

寶豐縣志卷之

寶豐縣知縣李枋梧纂輯

列女志上

昭代於貞孝節烈之婦女罔弗錫庫鏹榮以綽楔邑舊志所錄
有未邀異數者道光十二年奉憲檄與新採訪一體且題彙
摠坊多至四百餘氏茲因修志諭令士民加意稽察復得
若干人脩錄於志俟爲續請陳奏唐儒李習之傳高愍女曰
賞一女子而天下勸亦王化之大端也况

聖

朝旌禮如此之隆乎風化陶淬習俗懋美宜爲堯舜三代盛時
所未有矣

明

祁采兒

商酒保人成化十一年許聘劉裕未娶裕卒采兒同母往弔卽柩旁哀慟幾絕旣歸遂自縊合葬劉裕墓知縣

朱銓嘉其貞烈命蠲本戶
差徭春秋致昨於其家

田氏

坊廊里民田福女賦性貞靜適同里蔣洪年二十四洪逝生子甫三歲氏撫孤苦志享年七十餘知縣許可久以其

事聞奉敕

旌表

嘗氏

商酒保人任敬妻年二十四夫亡乏嗣氏以翁姑無依誓不再適奉養迄督婦守四十餘年汝州知州沈貴奏請

旌表

李氏

陂北保人苗距村年二十歲顯以疾故氏甘貧守節奉養舅姑人皆美其節孝

孫氏

陂北保人姜滿妻娶二年滿故氏方十九遺孕生一子勵志撫子守節五十餘年如故未銓嘉其節蠲其徭役自春

秋致昨於其家

袁氏 石渠里人劉原妻娶三年原故氏方二十五生一子在撫
誓不再嫁撫孤成立孀守四十餘年知縣謝永年賚之粟
阜

李氏 坊廓里人丁鑑妻鑑故氏甫二十自持節概孀守六
十餘年節儉成家知縣謝永年嘉其行免本戶差役

丁氏 坊廓里人生員丁亨女生員董英妻也正德辛未十二月
十八日流賊趙鑑等破寶豐丁氏避密室從容女工賊碎

其戶裡入欲携之去氏大罵持剪刀刺賊面賊怒以刃脅之
氏尋刀自斷其喉賊仍以刃劈氏額塗腦於地衆卒聞之驚
報自首趙鑑斃方與群賊飲大聲曰好事我起兵來未聞有
北道之郡賊往弔具其事作祭文羅拜成禮贈白金五定以
資廷生索元惡王昌邊於於宣化坊下遂出令凡士夫之家
不許一人犯者斬以駐闔邑士夫家俱得保全事聞奉旨生
員董芳妻丁氏不受賊辱貞烈可嘉著有司旌表邑官劉
奎作自弔之有赴死甘爲刀下鬼偷生羞見鏡中鸞婦人樣
子原有此留與人
間仔起看之句

劉氏 安樂里人知縣劉奎孫生員劉存省女增廣生員鞏樞妻
娶入年樞病故劉氏方二十五歲生二子堅心苦度撫育

長子治易入庠守節四十九年時人稱其貞
淑萬歷二十九年建儲恩賜羊酒果蔬 旌表

李氏 歲貢生徐淳妻文旆文旂之母正德六年十二月衛賊破
寶豐氏恐爲賊辱遂投井時力有孕卽文旆也人皆以爲

死矣賊退救出復黤有神助學使葛守禮
聞之給匾於門縉紳名公皆贈詩文以美之

葉氏 坊三里人廩生李綉妻榜病故遺母姜氏寡獨在堂氏方
二十四歲生二子時憲時化俱幼氏紡績奉姑哀毀踰禮

且撫二子成立苦節四十
八年巡按徐具奏 旌表

焦氏 葉氏次子庠生李時化妻時化亡遺孤在抱氏方二子事
姑訓子後子攀入泮成立與姑嫜葉氏洵稱雙節巡按俱

奏 旌 表

陳氏 懷一里人喬豸妻豸病故遺三子曰樸曰楷曰柁俱幼氏
方二十六歲矢志持苦訓樸入庠鄉人稱服無間言撫按

並旌 其門

田氏 邑民姚政妻夫亡守節
終身奉教建坊 旌表

段氏

王登妻登早卒遺子賓及偉氏課子成立賓失偶遺孫之

晉之觀氏更含節鞠養教之晉舉進士之觀薦明經偉子

之復之升亦俱入庠後蒙 旌表之普又以掌科疏請地封

登文林郎氏孺人兵憲范承祖贈詩云匪石爲心血淚渾空

房机杼弔孤魂丸能頻剪三更火育鶯誰分半菽殮慈竹班

班抽玉笋靈芝奕奕傍榮萱鸞章蝶躐花封日百折分明子

孫又

孫氏 鄭嘉祥妻生男寢昌甫八歲嘉祥卽世氏年甫二十餘時

里中豪橫欺其孤孀因產構訟氏外而禦侮內而教子公

姑之喪躬自負土以窆厥事後寢昌以魯山籍甲子

舉於鄉官至戶部郎中封氏太孺人享年八十有四

王氏

汝州進士任楓妻名瑞性敏悟喜讀小學列女傳手書

劉氏

成帙崇禎辛巳舉家遷寶豐未幾城陷氏被執罵賊死

劉氏

白永昌妻年二十孀居上事七十翁姑下撫三齡孤子槽

丁氏

糠自厭壁光苦績教子三陽成名膺歲薦孫江之漢之亦

食餘泮宮五十年孝慈苦節 旌表

聞者無不嘆賞蒙詔 旌表

廩膳生員李文炳妻炳早卒氏

撫二子培增皆入庠以節終身

宋氏

何東泉妻泉亡氏方二十三歲遺子應龍甫四歲應鹿甫一歲氏水操矢志撫育二子成立應龍登歲薦任寧遠知

縣

惠氏

庠生李瑤妻瑤弱冠亡上遺老母下遺孤兒氏勤苦紡績事姑撫幼守節四十餘年後子青華人庠成立蒙詔旌

表

章氏

張捷妻年二十餘夫亡氏清苦持操撫子永光永祚永爵次第入庠守節四十餘年後蒙旌表

徐氏

生員李含華妻華於崇禎十三年病故氏年甫十九苦節五十年教子道濟入庠

國朝

李氏

廩生王馮妻馮弱冠卒氏方十九歲遺幼子知思甫二歲氏斷髮書屏自誓守志教子知思以貢生任南陽教授康

熙二十五年旌表

鄭氏

廩生吳侗妻守節四十年雍正二年旌表

王氏 拔貢吳臯妻守志二十三年年五十卒氏爲邑禮法家女
在諸姊妹中更爲修謹勞居苦節食飭若寒素雍正二年

旌表

鄭氏

王蓋臣妻守志三十年雍正二年旌表

王氏

生員牛景孺妻守志五十年雍正三年旌表

董氏

廩生何羽翹妻翹亡氏年二十五守志二十二年卒氏以
何董先世俱有節媛懼玷家聲其孀居最以禮法自謹雍正

正三年旌表

任氏

李汝念妻夫亡年二十八歲守志三十年氏汝州進士中
書楓之女楓遠近稱硯莊先生者氏幼嫻家法婦道無違

孀居益謹雍正

五年旌表

李氏

生員姬纘武妻夫亡年二十五守志三十年雍正十三年旌表

劉氏

李斯羽妻夫亡年二十三歲守志三十年雍正十三年旌表

劉女志上

劉女志上

吳氏

生員王瑀妻夫亡氏年二十七歲
守志四十三年乾隆元年 旌表

王氏

張懷德妻住八里張家庄年二十五夫亡始老遺子在抱
家亦貧甚氏紡績供菽水以終餘年教子顯嗣慎交遊務

本業三十年貞守同里咸爲嘆美當事
請旌而顯嗣又殯納主於祠觀者傷之

劉氏

彭景韓妻夫亡氏年二十五矢志無孤備嘗艱苦越三十
年乾隆三年知縣申請題秦氏知之悲感語其子璽曰匹

婦細行何足寵異爾其務本力農謹身修行並戒爾子孫爲
鄉里好人是卽所以報 國恩也士大夫聞之稱其循分而

達大

義云

牛氏

儒童丁之平妻年二十一夫亡子方一歲氏矢志甘貧奉
養舅姑訓子成立守節五十餘年巡撫題奉 旌表

韓氏

邑氏溫保兒妻自幼童養保兒誓且啞氏甘心相隨成婚十
八年夫妻和好有子有女雍正十二年三月繼姑趙氏前

夫之子王成兒自襄城來趙氏留之助耕種五月九日夜成
兒窺保出外乘涼入氏室求懽氏喊罵趙氏聞之往視成兒

奔出氏氣憤自縊知縣訊
得實隨案奏准 旌表

畢改姐

邑民畢永成女年十七未嫁永成爲陳永吉佃戶乾隆元年五月十七日永成夫婦赴田留女守舍永吉乘間

調戲改姐扼鼻永吉奔去改姐哭告父母誓不欲生父母力勸防守至六月一日竟自縊知縣訊凶申報隨案奏准旌

表

洪氏

儒童黃懋賞妻年二十八茹苦守志乾隆四年旌表

張氏

儒童李元靜妻年二十適靜未幾靜卒氏誓不欲生舅姑百方勸慰爲立嗣子因後因瞽廢又爲立子向氏孝養姑

舅教育二子苦守三十

八年乾隆二年旌表

王氏

學生杜祥偉妻偉卒氏年方艾守節三十年乾隆四年撫院雅題奏旌表

宋氏

儒童李作梅妻貢生宋師呂女歸一載作梅卒形神瘠毀家人懼其以身殉氏施遺孤子容哭謂之曰夫亡只此弱息

願撫育以承夫嗣其達義如此事姑蘭氏十一年供膳浣衣與梅存日無異以嚴正教子不事姑息治家勤儉有法內外

肅然乾隆八年旌表

年旌表

李氏 儒童王理得妻年二十五夫故翁亦相繼逝氏孝養衰姑
姑沒哀毀骨立教子碩方嚴每以親正士遠匪僻為誠凡

夫姊妹之子女無告者撫養如已出宗族
義之守節逾三十年撫院題奏 旌表

王氏 崔梅妻王清之女年十九梅卒氏毀容矢志保育
遺孤以綿夫嗣苦守三十年兩院彙題請 旌

陳氏 何而溫妻魯山太學陳仁室女十七于歸七載溫故氏奉
事舅姑菽水盡歡訓子芳早歲成名撫院彙題請 旌

傅氏 儒童杜祚廷妻夫亡氏年二十三孀居守
志勤勤女工孝事舅姑乾隆五年 旌表

王氏 滄陽貢生項城訓導何羽颺妻魯山王乘時之女毓德儒
門年臻大耋媪姻矜式乾隆元年邑人公舉入瑞闈秀知

縣唐永彰申請撫院學院甫擬具奏
而氏卒人心惜焉 以上見房志

孫氏 姬纘妻居城中年十八歸纘二十九夫
故守節三十年乾隆十二年 旌表

劉氏 孫宜祥妻住寶三里龍泉寺庄年十七歸宜祥甫又二載
而寡姑常患疾氏奉湯藥夜眠姑側數月不懈族黨稱其

孝守節五十二卒乾
隆四十九年 旌表

路梅姐

住寶六里曹鎮路山之女人年十六隣人魏珩狎
梅姐忿扼自縊死乾隆四十六年 旌表

何氏

郭玉道妻住寶七里太平村已故生員何有嚴之女十八
于歸四年夫歿無子舅姑衰老庶母生子養源幼氏事舅

姑敬謹始病氏籲天請代撫叔養源延師訓誨賴
以成立守節三十二年乾隆五十九年 旌表

邱氏

馬文舉妻十八歲歸文舉四載夫故
矢志守節三十年乾隆九年 旌表

賀氏

褚文蘭妻十六歲歸文蘭二十三歲夫故守節三十八年
奉翁姑甘旨不缺經營殯葬鄉里稱之乾隆十二年 旌

表

張氏

孫振妻歸振二載夫故氏年二十二守節三十二年事
舅姑孝敬盡禮鄉里奉以爲式乾隆十八年 旌表

馬氏

吳嘉寧妻十八歲歸嘉寧夫故氏年二十九守節五十
八年壽八十六歲撫幼子成立乾隆十八年 旌表

趙氏

王麟妻歸麟十二載夫故氏年二十九
守節三十二年乾隆二十八年 旌表

關氏

劉鐸妻氏農忙時舉家耕種氏獨處狂暴者欲污之氏峻拒
喊罵鄰人應之得免氏告其姑卽自經死當事奏請旌表

王全姐

里民王煥女年十七許字胡姓子鄰人王振
仰之羞忿自經死乾隆四十八年旌表

趙氏

王麟妻居賈八里年十八適麟閩二載夫
故苦節三十餘年乾隆二十九年旌表

趙氏

王翠峰妻居賈八里年十六歲歸峰閩二載夫故氏哀毀
骨立誓從地下翁姑以夫嗣未立勸止克盡孝道取姪紹

蘇爲嗣乾隆己酉年旌表
以上見陸志刪除重複之白
潛妻李氏何思琳妻栢氏二名

道光十三年知縣李衍梧詳請旌表節烈婦女四百三十

氏彙建摠坊內補請舊志未荷旌表者一百七十六氏紳

士採訪者二百五十四氏

舊志一百七十六氏列左

馬志二十二氏
陸志一百五十四氏

蘇氏

陳蓮妻翁病不食者數日忽半夜呼肉蘇履
然曰神其啓我乎割左股以進翁啜之卽愈

謝氏

陶之棟妻年二十歸陶三十歲夫亡謝謹事舅姑歷四十
年不懈舅母語人曰有婦如此吾子不亡矣年逾七十始

有嗣子以義方爲訓
不事姑息家法肅然

章氏

張淑德妻年二十而寡遺孤二齡夫之祖父母父母俱存氏以孤身生事死葬撫子訓孫歷四十六年堅貞稱著

張氏

王起龍妻年二十六夫亡張奉事舅姑晨夕弗懈後舅姑幽歿祭葬盡禮無子撫義子爲子思勤鞠育逾於所生守

節三十
四年

陳氏

張問士妻年十九歸張二十一歲夫故誓死靡他家赤貧其養舅姑皆從十指出也無子成立督課最嚴苦節三十

載

朱氏

馬祥妻年十八歸馬夫亡二子幼氏冰潔自持教養二子長慎言次慎修雖業農以母教皆長忠厚實事母以孝聞

兄弟亦極友愛人以爲是母是
子右翠撫雅中州彰善錄

高氏

里民岳光奉妻奉亡氏年二十三苦節三十年撫子景霄入庠學院張旌其門

王氏

庠生張珮妻夫故氏年二十七始劉氏年六十餘一子問明尚幼氏養姑送終訓子入庠家法嚴正守節數十年學

憲張表

其門

黃氏

儒童張爾恭妻恭故氏年二十三善事翁姑奉湯藥朝夕不懈訓子素學入庠鄉黨稱之學憲張表其門

王氏

增廣生員李徽典妻夫故嚴謹自操善事舅姑曲盡婦道學憲張表其門

杜氏

石渠保東留村人李春榮妻春榮早卒氏矢志守節善事翁姑撫育幼子學憲潘表其門

陳氏

儒童宋長全妻夫亡守節撫二子鎡鏡成立學憲張表其門

何氏

儒童宋語妻十九歲夫故守節歷三十三年學憲張表其門

陳氏

儒童張鼎妻二十歲夫故守節歷三十八年學憲張表其門

霍氏

緜世法妻郭氏緜世澤妻郭氏緜世海妻一門三節學憲張旌之

張氏

儒童閔立漢妻年二十二夫故無所出取姪繼之姪卒又取姪孫繼之若節四十二年學憲張表其門

任氏

儒童王賀妻歲貢生寅亮之子婦也歸賀三載賀卒遺一子尚在襁褓亮卧病經年氏淚無乾袂絕不使亮知後亮

愈子亦強步亮爲孫講列女故事氏聞而痛曰大人教孫乎以勗我也至小祥陳祭自縊鄰里悲悼事聞州守趙霖請表

其門

宋氏

胡永福妻夫亡守節學憲張表其門

張氏

庠生劉亮妻亮卒氏年二十七守節四十年學憲潘表其門

百氏

武生何思休妻夫亡氏年少守節白首完貞學憲表其門

李氏

何景唐妻年二十二夫故氏以姑年老二子俱幼矢志守節事姑極得歡心撫育二子有方貞守三十一年學憲表

其門

張氏

李如蘭妻夫故翁姑年老氏奉養不怠及翁姑相繼沒祭墓如禮以姪爲嗣撫育成人撫院雅表其門以上易志

張氏

雷璠妻王松濤撰傳張氏賚十里邢庄人年二十適璠一日璠出有賊排闥入欲犯之氏叱曰汝何得無禮賊強逼

折其指體竟不可奪會村人聞至賊驚去氏仆地而血淋漓號於衆曰吾尙可活耶家人環守之氏給曰吾不死矣有間

卽投環以死

康氏

張顯先妻耿生太換墓誌畧云康氏居寶八里張生歸顯先事翁始曲盡禮翁病危氏禱天求代翁果病間始有宿

疾氏割脗肉

作羹進之愈

余氏

王誥妻汝州分州袁其楮換墓碑文云余氏居寶四里扈曰年十八歸誥未幾誥歿氏欲身殉念身有遺腹男也吾

夫有後矣數月舉女殤氏集族親爲夫立嗣會夫忌日往哭其墓曰君有靈耶吾今從君矣是夕竟投環而盡

楊氏

李格妻住寶一里格善病氏侍湯藥甚謹格病革恐氏他適氏曰君若不信請先死明志格危果投環而死

白氏

李子黛妻居城中年十八歸黛生一子三歲夫亡氏事姑孝教子乾六入庠督學王表其門

潘氏

監生李遐齡妻居城中歸一載遐齡亡無子氏撫姪爲嗣水蘖自甘奉翁姑動必循禮善篆書娛情經史有林下風

任全姐

住寶二里任家寨任永正之女年十八未適人摘蔬於園鄰人馬全挑之女忿自經死

劉氏

李九皇妻住二里泥河庄年二十三歲夫故姑歿舅老叔煥章幼氏養舅撫叔守節三十七年

丁氏

朱文炳妻住寶二里周家營初氏適文炳姑劉氏薄之乾隆十六年春始病家貧無醫藥資氏私割其股烹調以進

病遂愈姑不知也命操白氏不能勝姑怒欲鞭之氏懼以實告不信迨視之姑始悔而愛氏

王氏

李守業妻住寶二里泥河庄年二十四歲夫故有子二舅姑早沒家貧依堂叔母紡績撫子守節六十年卒

薛氏

段秀妻住寶二里右安寧鄉年二十二歲夫故子建德幼家貧紡績撫孤守節四十五年

賈氏

任永年妻住寶二里任家寨年二十四歲夫故子逸幼無孤成立守節三十六年

李氏

白疇妻住寶三里商酒務年三十夫故事舅姑盡禮米粟賜族黨巡撫尹布政使張學院張俱旌其門守節四十九

年卒立有

貞節坊

孫氏

趙全妻住寶三里牛家庄歸未逾月全亡家貧姑老矢志守節母家欲奪其志氏遂自縊死

杜氏

王功超妻住寶三里大營鎮年二十三夫故家貧事翁姑盡禮祖姑在堂痿痺不能動移杜扶將始終不懈兩弟妹

婚嫁亦經紀

其事現存

王氏

馬儒妻住寶四里馬樓年二十餘夫故無嗣成立守節三十年知縣馬表其門

王氏

趙彩妻住寶四里程庄年二十四夫故子廷柱甫三歲氏事舅姑撫孤子守節四十年

程氏

趙哲妻住寶四里楊庄哲死舅姑俱逝子維禹甫二歲氏織紉撫子守節三十八年

杜氏

蔣天爵妻住寶四里李庄天爵死子位辛甫二歲氏事姑撫子守節三十餘年

李氏

杜元明妻住寶四里開店元明亡氏撫子成立守節四十二年

張氏

杜四成妻住寶四里開店四成亡氏撫姪爲嗣守節六十二年

楊氏

賈維坤妻住寶四里賈岩年二十四夫故守節五十三年督學秦表其門

周氏

吳德欽妻住寶四里祿庄年十九夫故子在襁褓氏謹事舅姑越五載舅姑歿父欲奪其志氏矢志靡他不敢歸寧

者八載叔久分居氏因叔媼俱歿產盡遺孤六歲氏召之同室撫養不異已子苦守十八年病篤囑子曰吾死家產與姪

共之鄉里稱其賢

郝氏 傅煥然妻住寶四里翟家集年二十四歸數月夫故遺腹生子潤甫氏矢志守節數十年而歿

丁氏 楊文彬妻住寶四里楊庄年二十五夫故身故俱亡艱辛撫子守節終身邑司鐸宋表其門

謝氏 賈世臣妻住寶四里賈寨歸旬日世臣歿氏撫姪章學為子守節四十七年卒督學蔡表其門

陳氏 董自肅妻住寶四里董庄年二十一夫故無子姑善病氏侍湯藥不怠姑死身妾閔氏生一子一女氏撫姪步雲為

子並無閔氏子女婚配守節四十餘年知縣徐表其門

傅氏 石松妻住寶四里楊庄年十九夫故守節五十四年知縣胡表其門

杜氏 楊廷獻妻住寶四里楊庄生員杜三年女歸三月夫故矢志守節督學李知縣馬並表其門

楊氏 杜生楠妻住寶四里開店年二十七夫故二子年幼矢志守節撫子成人歷三十餘年

咎氏 趙良田妻住寶四里祿庄年二十三夫故姑老多疾氏服事不怠每奉湯藥必親嘗試始病危禱天以身代撫嗣子

路有則守節二十八卒

熊氏

姬述周妻住寶四里張庄年二十夫故氏以死殉

董氏

楊獻典妻住寶四里馬樓年十九歸獻典五年獻典卒遺一女女殤氏遂死太守徐旌其門

張氏

扈培地妻住寶四里培地好博產以博去欲鬻妻以博氏聞之抱女投井死

李氏

趙廷綬妻住寶四里程庄年以而寡取堂姪爲嗣孀守三十餘年邑司鐸宋區其門

王氏

董芳妻住寶四里董庄年十九適芳六年芳死守節五十四年卒子廷瑄妻謝氏廷瑄死姑息同守矢志不渝現存

趙氏

高揆妻住寶四里翟家集年十六適揆二十二歲夫故遺孤亦殤時舅娶繼姑氏事之得其歡心撫姪文檢爲子及

舅歿氏與繼姑處親若母女叔掄與妻俱亡遺

孤文林七歲氏撫之如文檢守節四十餘年

周氏

王端妻住寶四里連店年十九歸端後端客死氏與女紡績自給丙午年大疫叔王楹夫婦並歿遺三子二女皆幼

貧苦無依氏泣曰諸子女失怙恃必餓死吾不忍也撫之且勉三子攻詩書問里皆稱其賢存

程氏

孫誠妻住寶四里程中誠父出外無信誠尋之不得誠沒氏僱人遍訪二十餘年始得翁歸侍養終老撫孤成立現

年八十二
十二歲存

李氏

監生王松琴妻住寶四里連店年二十八松琴死苦志守節歷三十年存

孫氏

楊錦章妻住寶四里楊庄年二十三夫故子念典京生氏事舅姑盡禮無孤成立守節三十餘年存

石氏

張克禮妻住寶四里山王庄年十七歸克氏十九歲夫故氏守貞存嗣歷三十餘年

吳氏

牛如林妻住寶四里牛庄年二十六夫故子義甫五歲氏守志不爲操養長室未幾我死孫二俱幼氏歷艱辛撫之

成立迄今四十八年存

謝氏

謝誦女字何天極住寶四里董庄年十八嫁有期矣婿疾病將攺期氏語母曰期定而攺不祥遂歸天極廟見畢卽

侍湯藥四月而天極歿氏哀慟盡禮誓不再適貞守三十九年存

劉氏

杜元旭妻住寶四里關店街年十九夫歿子修家生甫八月氏矢志自守事姑克終撫孤艱苦垂四十年存

劉氏

翟自興妻住寶四里翟庄年二十夫歿遺孤甫百日翁姑老而病氏謹事不怠教子有方貞守五十五年存

馬氏

崔承基妻佳寶四里程庄年十八夫故氏數欲以死殉母勸止之氏卽矢志自守迄今三十年存

潘氏

傅抗妻住寶四里程家集氏年二十二夫歿遺腹生子煥儒時舅姑年老氏孝慈兼盡數十年無倦色

嚴氏

傅建業妻住寶四里程家集年二十一夫故撫姪讓爲子貞守不渝

連氏

孝希賢妻住寶四里程集年二十一夫故撫姪和爲子守節五十餘年

劉氏

張克臨妻住寶四里山王庄年二十三夫故子鉅生甫三月家貧克勤克儉事舅姑生養死葬盡禮守節四十年

郭氏

張欽妻住寶四里山王庄年二十夫故子秀章甫生夫弟銘尚稚舅姑俱年老家貧經營勞瘁婦道無少缺守節三十餘年

十餘年

王氏

劉洪智妻住寶五里白家店年二十四夫故紡織奉事舅姑守節四十年

李氏

阮桐妻住寶六里曹鎮桐亡氏事舅姑盡禮遺一子大觀尙稚家貧紡織課兒備嘗艱苦子長入太學督學李表其

門

劉氏

程希賢妻住寶六里曹鎮希賢亡撫子元輔教之成立家貧苦度守節四十九年

王氏

張道長妻住寶七里遠陽鎮道長亡無子姪命嗣焉戊午企舉於鄉母之教也苦守三十年督學宮表其門

王氏

吳會妻住寶七里吳家灣年二十二夫故苦節五十六年卒

趙氏

彭民妻住寶七里東太平村年二十四夫故守節四十一年卒督學莊表其門

李氏

陳育恒妻住寶七里果店年二十夫故哀毀不欲生始慰止之氏承姑顏夜獨飲泣數年竟以痛夫隕命

王成姐

住寶七里宋家寨里民王海女幼字東村李姓子值歲歉婚出八年不歸父欲改配女痛哭不食死邑紳李蓮

同里人
立石

劉氏

龐煥妻住寶七里宋村年十七適煥二十煥死子在文甫二歲氏做事舅姑舅患脚疾氏侍奉數年不怠又患病疾

風每進湯藥氏以水淨口嘗其溫涼以口進之病少愈乎尼不仁臥床十年必親視寢食始終弗懈誨子在文考館得州

同職大司寇
胡表其門

何氏 邊樹德妻住寶七里西太平村年十九歸樹德三年樹德亡家貧遺孤象山尙未週歲氏翁邊振純病中風不能步履氏事之維謹翁賴以終年

教子就傳讀書不墜家聲

鄭氏

許崇智妻住寶七里強陽鎮崇智亡家貧無子鄭氏以死自誓事其舅姑飲食衣服無少缺病則親侍湯藥衣不解

帶點禱無恙乾隆四十

六年督學邵表其門

王氏

鄭如貴妻住寶七里卻家庄如貴亡遺腹生子氏謹事舅姑叔二小姑三俱幼氏爲經營依次婚嫁撫子成立守節

三十一年

任氏

劉乾妻住寶七里宋村年二十一夫故子甫二歲翁目瞽姑患癆病家貧僱有瘠田數畝氏織紉以養子稍長督率

同耕種母子操勞鄉人爲之嘆息苦節四十餘年

王氏

余秉仁妻住寶七里河崖李家庄年二十二夫故苦守五十五年

沈氏

舉人程嘉言繼妻住寶七里閭家庄年二十三夫故氏事姑撫子矢志不移子嚙受室而夫氏撫其孫秉仁成立貞

守四十
七年存

朱氏

盛梅妻住寶七里菓店年十九夫故姑卧病六載氏晨昏奉事不懈姑嘆其賢守節五十二年督學劉表其門存

王氏

何坦中妻住寶七里嶺陽鎮初歸夫家姑患病事奉維謹及歿哀毀逾禮未幾夫亦亡氏時年二十有二號泣幾絕

厲志苦節四

十餘年存

閻氏

趙詔妻住寶七里趙家庄年十九夫故翁故俱衰老氏晨昏奉養得其歡心守志四十餘年現存前吏部尚書程旌

其門

曹氏

鄭宏儒妻住寶七里焦店年十九歸宏儒五年夫故貧苦無依矢志不移現年六十一歲存

時氏

彭琪妻住寶七里太平村年二十一夫故生女甫六月家貧姑老姑勸其改適氏泣曰媳無夫猶可姑無媳誰依矢

志守節紡織養姑自食糠粃夜眠藁草歷二十餘年姑亡女亦適人氏每逢令節必以野蔬麥飯至墓前拜哭終日後歸

現年五
十有九

李氏

何而恭妻住寶七里夫亡弱子統辰甫離懷抱家貧氏紡績以事其繼姑初舅亡叔生三月氏乳之寧令子飢及長

為之娶妻艱辛自守歷六十餘年現年九十歲知縣吳表其門

張氏

邊承宣妻住寶七里太平村承宣死子雲亭甫二歲氏事姑克孝紡織撫子教之讀書性尤好善周急弗吝守貞六

十年現年八十餘歲督學莊兩表其門

劉氏

龐燧妻住寶七里宋村歸燧一載燧亡氏欲以身殉念翁姑年老而止氏奉事弗怠善撫嗣子苦節五十餘年現年

七十一歲督學曹表其門

李氏

龐煜妻住寶七里宋村歸煜三月煜亡舅姑憐其年少欲為改嫁氏痛哭曰養兒娶媳原以送終子亡惟媳是賴願

事之終身腐不再醮撫姪憲文為子憲文亦亡撫孫成立苦節六十年現年七十七歲督學曹表其門

毛氏

周謙妻周讓妻李氏住寶七里寄料店妯娌同時並寡相約守志歷三十餘年存

魏氏

張思敬妻住寶八里張家庄幼失母年十七歸思敬性溫故克盡婦道五年思敬疾持湯藥者二載旋歿無子氏哀

數欲死姑宋氏哭曰我尙有姑年八十矣我又病汝死誰依
哭愈痛氏感焉擇族子爲嗣越年餘祖姑亡姑病在林氏寢
牀側起坐扶持飲食必手奉夜起視數四率以爲常姑久病
易怒呵責無怨言如是者十年嫁其兩小姑及爲嗣子婚娶
皆賴氏力凡事必請姑命而行暇則縫紉晏如也居無何氏
疾病篤子婦曰我事我姑不離床褥者十稔於茲今不能終
養永不倦也我姑送終事悉備篋中布若干疋皆我手織他
口爲我姑喪葬用汝善繼之含涕而卒時年三十五

吳氏

閩淇妻住寶八里閩家庄淇亡以姪爲子嫂偶戲之曰怠
欲改適耶氏怒曰嫂何疑我看我死誰家是夜自縊死

楊氏

邢干祿妻住寶八里火山年二十一夫故無子家貧氏
奉舅姑克終紡績治家無繼子桂成立守節三十六年

高氏

王義妻住寶八里蔡家溝年十八歸義六年義卒
氏哭其夫曰願少待將從子於地下即日自經死

方氏

胡守文妻住寶八里李家坪守文
亡以姪爲子守節四十七年卒

張氏

賈成瑞妻住寶八里賈嶺成瑞亡無子翁憐其少欲嫁之
氏誓以守死成瑞弟成玉夫婦相繼死遺女三氏撫養若

已出以堂姪立德爲
嗣守節三十九年卒

閔氏

葛天訓妻住寶八里下河張庄天訓亡遺腹生子守節已三十餘年現存

孫氏

閔修禮妻住寶八里閔庄修禮亡氏事翁姑維謹教子成立守節三十三年現存

白氏

孫定邦妻住寶八里顧家庄年二十五夫故時翁年八十餘氏痛翁衰老冬夜挾幼女作苦翁則抱翁足以溫之鄰

婦感嘆其賢現存

方氏

茹松妻住寶八里李家坪松亡氏事舅姑孝謹姑病數載侍養不怠撫三子成立迄今三十餘年現存

劉氏

沈方英妻住寶九里高皇廟庄方英亡氏撫二子焯煥守節三十五年知縣徐表其門

王氏

秦銳妻住寶九里二郎廟銳死撫姪文輝為嗣守節五十五年

傅氏

王惠施妻住寶九里焦店年二十二夫故事舅姑盡禮姑歿乞舅娶繼室氏事之如前姑守節三十餘年督學曹表

其門

今存

蔡氏

李梓妻住寶十里東大庄年二十夫故無子孝事繼姑二十餘年繼姑卒氏送終哭于墓前卒

余氏

監生李微妻年二十三夫故遺二子俱幼氏撫育成立年八十四卒督學盧旌其門

岳氏

阮大道繼妻適阮兩月而寡氏事舅姑維謹撫前妻子如已出守志終身

張氏

監生傅澤妻年十九夫故翁故憫其年少微探其意氏指日自誓備嘗艱苦貞操彌堅乾隆五十一年歲飢氏竟窮

餓死聞者傷之

分州袁表其門

何氏

高君堡妻年十九夫故取繼承嗣後所繼娶媳夫婦又早亡氏撫弱孫佃地度日備歷艱辛卒撫諭志

權氏

魯卓妻氏年二十八夫故無子取姪承嗣訓誨成立年七十餘歲守節四十餘年

喬氏

邢良宰妻年二十夫故守貞三十六年

樂氏

趙秉寅妻年二十夫故守貞三十七年

李氏

敖振溪妻振溪亡子昆尙稚氏通孝經能治家教子有方守節四十六年知縣郭表其門

王氏

敖昆妻昆亡氏事姑牛氏維謹姑老病痿氏奉湯藥十餘年未嘗少怠子夢琴邑增生

王氏 張志全妻志全亡氏事姑二十餘年不
少怠子廣殤孤苦自守至今四十一年

王氏 宋鏞妻鏞亡氏克孝其舅姑撫三子
成立守節三十五年督學仰表其門

馬氏 許柄妻柄亡子生數月姑老家貧紡織以養姑亡有賜以
粟者氏不受曰我姑孀居豈可受他人助乎守節三十年

李氏 宋永治妻時翁姑年俱七十餘氏養老送終竟盡其
禮教子入太學守節三十八年汝州守莊表其門

趙氏 沈學思妻學思亡子秀尚幼氏事姑孝其祖姑與夫
之樞貧不能塋氏鬻簪珥以供殯事守志四十三年

仝氏 王自成妻成亡家貧舅瞽子幼
氏食力二十餘年事其舅終老

關氏 張見田妻氏歸未一年而夫亡氏家憐其少欲嫁之氏泣
阻曰翁姑視吾如女夫亡吾卽其子也死不相離遺腹生

一女凡翁姑之生事死塋及嫁其女指
氏紡績爲之子其姪永爵苦守三十年

崔氏 張英妻英亡姑年七十餘雙瞽氏食授必著
寢必同牀撫子述顏教之成立守節四十年

張氏 趙哲妻年二十歸哲三十哲亡遺一女撫姪文友爲子文
友娶徐氏八年文友亦亡姑媳孀居織紉自養辛苦備嘗

守節四
十餘年

龐氏

監生劉文燦妻燦亡氏敬事翁姑撫姪璣爲子守節四十餘年

吳氏

庠生張尼封妻尼封亡無子氏家憐其少欲改嫁之氏力拒紡績自給守節三十四年

李氏

李錫爵妻住八里營錫爵亡撫姪洛爲子洛娶邈氏生子甫十月洛亦亡邈與姑織紉苦守

劉氏

丁俊妻年十七歸俊十九俊亡姑瞽氏謹事之撫子成立迄今三十一一年

劉氏

余秉順妻秉順亡遺子萬嵩甫二歲守志三十八年乾隆五十二年督學劉表其門後萬嵩納監以孝聞

李氏

陳潛妻潛亡生子甫八月氏撫子成立守節四十五年

程氏

陳敏妻敏亡氏事舅姑終老撫三子成立守節五十年

廉氏

陶璟妻璟亡生子于會甫一歲家貧紡織守節四十四年

王氏

陶琮妻琮亡生子于珠方二歲姑歿遺少子陳方三歲氏並撫之家貧紡織守節四十七年

李氏 王廷傑妻廷傑亡無子遺一女家貧父母勸其改嫁氏剪髮爲誓苦節四十餘年

劉氏 秦國宰妻國宰亡氏事翁姑克盡婦道家貧紡績子配元夫死氏腹撫孫紹先成立苦守四十一年

張氏 王恪妻恪亡遺腹生子秉仁事姑撫子苦守三十二年

郝氏 趙君謂妻君謂亡氏撫姪灝守節四十年大司寇胡表其門

劉氏 溫潤妻潤亡時姪年七十餘二子之炳之寅尚在襁褓氏孝于姑撫二子成立守節三十五年督學秦表其門

宋氏 王鏞妻鏞亡子永恩尚在懷抱矢志苦守歷三十年督學盧表其門

彭氏 張林妻林亡子世澤尚幼氏奉翁姑克孝撫子世澤入太學守節三十三年督學秦表其門

王氏 牛敬先妻住寶六里曹鎮敬先亡氏事翁姑維謹撫嗣子芸守節四十年

申氏 段名遠妻名遠亡遺一子履中氏甘苦守撫子成人閩三十年督學李表其門

杜氏 陶君錫妻君錫亡遺腹生一子儒卓家貧姑欲嫁之氏矢志不移事姑訓子苦守三十五年

程氏

杜熾昌妻熾昌死守節三十年督學孫表其門

張氏

李汝玉妻汝玉亡氏事舅姑盡禮撫其姪德嗣亡以姪孫繼之兩世似續賴氏一身經營苦守歷三十二年

張氏

杜珺妻珺亡子登榮尙在襁褓夫家欲嫁之氏堅不能奪事姑撫子苦守四十年

李氏

沈學林妻林亡無子撫姪及時爲子守節三十一年

陶氏

郭宗孔妻宗孔亡撫姪瑋爲子娶媳陳氏越數歲瑋亦亡姑媳相依零丁孤苦矢志不移

王氏

李陞繼妻陞旣亡撫前妻孫氏女如已出事翁姑克怡其志守節三十年

包氏

文文燦妻文燦亡家貧氏操井臼孝奉翁姑無子以姪爲嗣守節五十年

趙氏

衛文妻文亡撫子常怡守節三十年

王氏

巴廷鄰妻廷鄰亡撫子希孔守節五十二年

王氏

劉羨文妻羨文患癱疾氏服事無尤怨如是三年夫歿誓不再適克孝其舅姑訓嗣子有方守節三十五年

劉氏

李璉妻璉亡遺子大成方三歲氏賦性溫和無疾言遠色矢志苦守五十餘年

萬氏

李光金妻光金亡遺子元經夫弟李光寶妻賈氏光寶亡遺子元瑞妯娌和睦相約甘貧守志朝夕共處各撫其子

歷三十餘年

餘年

段氏

陳柎妻氏賦性溫厚柎亡子百祥僅月餘氏事舅孝謹子歿撫幼孫成立苦守四十餘年

何氏

陳繪妻繪亡遺子殿鰲尙稚家貧氏辛苦織紉節儉成家命其子入太學守節三十五年

陳氏

程學禮妻學禮亡以姪等兒爲嗣又亡撫孫成文立零丁孤苦守節四十八年

李氏

杜克成妻克成亡氏撫姪爲子守節五十五年

李氏

蔡璽妻璽亡撫子守節五十六年

宋氏

徐永禮妻永豐亡撫姪爲子守節三十四年

黃氏

仕貢杜生桂妻生桂亡氏撫嗣子守節四十八年

李氏

生員杜生楷妻生楷亡氏無嗣子守節三十四年

孫氏

李敏妻年二十五夫故守節三十五年敏姪李鴻章妻王氏年二十五夫故守節四十年

溫氏

姚繼虞妻住响潭營年二十二夫故氏賢孝謹默守節三十年存

王氏

王鏐妾鏐歿時年僅十六號哭極前願終身守志趙氏許之守節五十年邑令胡給匾優獎

鄭氏

王常吉妻居寶八里年十九歸常吉閨三日常吉即病三月而故氏事翁姑盡孝取侄應發為嗣持應發方二歲氏

愛如已出勤于督課後入邑庠守節五十二年而卒

尙氏

縣丞王籓妻居寶八里年二十歸籓閨六年夫故取堂姪履恒為嗣教之成立氏善操家苦節五十四年現年八十

歲

党氏

王國祿妻居寶八里歸祿一年祿故氏孝養孀姑取堂姪性為嗣守節四十六年

寶豐縣志卷之十四

寶豐縣知縣李昉稽纂輯

列女志下

採訪二百五十四氏列左

賈氏

監生王鵬翮妻二十八歲寡守節三十七年守志

張氏

王鵬翮妾二十一歲寡守節三十七年子象舒

附知縣賞鐸題王門雙節序 余自壬戌歲宰臨期邑後二年延馬生維三於署中教諸姪讀間時予喜詢鄉里隱遺之事馬生常樂道之因言及王生象舒者世業儒其父鵬翮早卒嫡母賈氏生一子名忭其母張氏生象舒二氏誓志不二然家景蕭條僅餘薄田十餘畝不足供贍賈氏曰若教兩兒讀養殮不繼兩子廢讀無益今觀忭性稍鈍不如教象舒讀遂令忭尋視於隴若傭焉二氏乃躬自紀理供象舒讀象舒自塾中歸見二母一弟衣鶉百結操作維艱泣然流涕曰兒不能以一人之讀令之母一弟受如此苦讀無益不如廢讀母怒曰吾之所以與汝母汝弟受如此苦而不怨者正以為

汝讀耳若廢讀汝卽能使我日御珍羞亦不樂况不能耶汝祖父在時有遺書百餘卷當時有借觀者却勿與予非吝於借也正留以待汝也今盡付汝兒能繼祖父志死且不避况苦耶象舒乃益自克勵學皆進異時或能售其苦志未可知也予聞之深嘉其苦節而又賢若是今歲縣試予觀其人溫文爾雅視其文亦清適拔置前茅州試冠童子軍遂入泮焉因囑馬生句額於予以彰毋命予以此事予聞之久矣卽證之鄉里亦無間言真足以厚之心敦風俗廣截化也故爲之頌其額並詳其事焉

王氏

監生余篤生妻二十一歲寡守節三十一年夫沒時子萬全甫二齡及稍長氏雖甚憐愛之而命從師學嚴督課不

少寬縱且日爾幸荷先緒得有餘貲名義所關其勿效撲滿輩自封殖爲子孫計此爾父未竟之志亦吾之所宿願也嘉慶十一年邑令賞重修黌宮及節孝諸祠氏曰此名教所係風化之原也因命子萬全獨修節孝祠計費銀六百餘兩既又念寒畯負有造之資苦於無力從師遂至中輟遺命萬全設法以成就氏沒後萬全果割薄田四百畝造宅一區以完母志氏之賢明識大體嫻戚嘗勸識之無不頌此也

董氏 寶永康妻二十五歲寡守節五十二年
喜聞古賢媛節列事賢孝傳於閭里

段氏 任秀生妻二十八歲寡守節四
十五年茹荼飲水矢志靡他

朱氏 中西庚妻二十八歲寡守節
四十年艱苦脩節操不改

劉氏 趙孚妻二十八歲寡守節五
十年清慎勤儉鄉里賢之

趙氏 何仁妻二十二歲寡守節三
十六年能解經傳清操自勵

張氏 王合貴妻二十六歲寡守節五
十三年孝事邁翁矢志靡堅

白氏 馮倫妻二十六歲寡守節四
十年曲得親心克盡婦道

王氏 俞瀾妻二十九歲寡守節四十二年孝翁姑
及妯娌次子廷槐丁酉鄉薦賴其母教成之

徐氏 王嘉猷妻十九歲
寡守節二十一年

張氏 胡洵妻二十五歲寡守節四
十六年事上撫下閭里稱揚

李氏 郭思睿妻二十一歲寡守節二十五年子
楨乾隆乙卯科登鄉薦咸稱貞淑所報云

盧氏 劉維寅妻二十一
歲寡守節二十年

趙氏 劉琳妻二十七歲寡守節四
十九年冰霜恪守白首完貞

張氏 丁珉妻二十五歲寡守節三
十三年克勤克儉茶苦自甘

趙氏 龐恩妻二十三歲寡守節四十
一年勤紡織以事翁姑鄉里稱賢

王氏 李鴻章妻二十二歲寡守節五十六
年嗣子運南得選明經皆氏之力

謝氏 温太妻十九歲寡守節三十
三年孝姑甚篤訓子有方

崔氏 李重妻二十二歲寡守節四十年始
瞽扶持奉養無倦色鄉党稱孝焉

王氏 崔獻妻二十三歲寡守節五十四年子媳相繼
已嗣子嗣孫復又偕亡氏之一生艱苦如此

焦氏 池俊妻二十二歲寡守節五十
三年幽間貞靜窮厄不變操持

祿氏

高珊妻二十歲寡守節四十五年紡織塋姑孝傳閭里

鄭氏

高言妻十九歲寡守節三十六年先富後貧不以境易其志

李氏

高欽妻十九歲寡守節三十年

高氏

傅培妻二十三歲寡守節三十八年賢孝素著

邊氏

李文妻二十九歲寡守節三十三年孝慈兼著

賈氏

王之臣妻二十三歲寡守節三十七年勤于織紉至老不怠

張氏

王子聖妻二十八歲寡守節三十一年賢孝素著

王氏

樂標妻二十八歲寡守節四十二年子亡遺一孫氏與孀媳乞匄養之至于成立行道者見而心惻氏處之晏如

趙氏

賈松齡妻二十五歲寡守節三十年翁姑多病氏與夫弟孀婦崔氏克盡孝道鄉黨稱之

崔氏

賈松筠妻二十三歲寡守節五十五年與其孀嫂趙氏善事翁姑迨二子與媳偕亡取族間週歲子爲孫零丁孤苦

鄉黨

心測

劉氏

賈心正妻十七歲寡守節十一年

杜氏

楊廷賢妻二十四歲寡守節五十三年氏夫故時于歸僅三閏月翁姑憐氏少艾且無所出溫語慰之氏曰作婦三

月敢有二心遂撫繼孤不出戶庭鄉里效之

楊氏

李南妻二十四歲守寡節五十七年松筠自年自首完貞

戴氏

郭敏妻二十九歲寡守節四十五年內無強近親外無五尺童自男子立閭里傷心

傅氏

王惠妻二十三歲寡守節五十八年終身勤儉鄉黨敬之

著氏

張瑄妻二十三歲寡守節三十一不憚勤勞賢孝素著

何氏

張建勳妻二十歲寡守節四十年數十年艱苦脩嘗孝慈之行三黨樂為道之

栢氏

李英妻二十五歲寡守節三十五年事親竭力訓子有方

朱氏 郭思進妻二十五歲寡守節四十四年教子耕讀不水先志

徐氏 吳大忠妻二十六歲寡守節五十二年夫癡無狀氏處之晏然及夫歿事舅姑以孝鄉黨稱操

吳氏 徐思義妻二十三歲寡守節五十年事姑甚得歡心臨終語多子曰吾守節五十載迨如一日幸汝成立吾死無遺

憾矣
遂歿

劉氏 李秉旺妻三十二歲寡守節二十九年

毛氏 石自敏妻二十五歲寡守節五十年數十載苦節毫無怨言

李氏 馮可學妻二十歲寡守節五十六年青年守志撫育七十日之嬰兒至於成立其心苦矣

李氏 孫顯祖妻二十七歲寡守節三十二年賢孝素著

劉氏 楊繪妻二十四歲寡守節三十八年敬翁姑及妯娌終身不間有憾言

韓氏 李清廣妻十九歲寡守節四十二年青年守志白首完貞鄉黨罕焉

郭氏

陸進妻年二十四歲寡守節三十一年翁姑早故依夫孀過度嬌素悍稍不順意苛莫卒至氏委曲承奉卒能終守

劉氏

陳誠妻二十八歲寡守節四十九年粗糲自甘賢孝素著

趙氏

范彬妻二十六歲寡守節十四年教子十四載從未出戶鄉隣父老嘖嘖稱美

景氏

俞紹元妻二十六歲寡守節四十二年慎舉止寡言笑撫孤守志以節壽終

王氏

俞潮妻二十五歲寡守節四十年氏多病爲夫購妾舉一子夫故賴氏撫養成立其妾亦安於室咸謂不妬之所感

云

楊氏

趙秉直妻二十三歲寡守節三十六年撫二孤子成立至今子孫賢衍所以報節婦也

張氏

李名心妻二十一歲寡守節三十二年畢生艱苦賢孝稱羨

李氏

謝廷祥妻二十七歲寡守節三十四年翁衰子幼家業咸著以成

黨氏

吳書妻年三十九歲寡守節六十一年氏出於寒門夫又終於不能抑事鴻奇白晝無倦壽幾九旬子孫繁衍皆氏

之德
報云

陳氏

張昭妻十八歲寡守節四十三年氏有淑德而絀于親事翁姑以孝撫嗣子不啻已出嗣甚醇謹咸謂非氏訓迪不

克臻

此

鄧氏

武士傑妻三十七歲寡守節五十七年翁姑幾邁氏生事於墓竭盡其誠長孫化遠入武庠三孫化洽入文庠壽逾

八旬子孫昌茂莫
非賢孝之所致云

劉氏

楊貴妻二十五歲寡守節三十七年賢孝傳於閭里

胡氏

李灼妻二十六歲寡守節三十六年賢孝素著

徐氏

蕭光先妻二十二歲寡守節四十年青年守志動中禮法閭里稱賢

路氏

楊克長妻二十九歲寡守節三十九年氏善事翁姑姑歿翁又失明氏夫婦每食必親捧盤殮佇立翁側視著之所

適而就焉暇時氏夫與氏講論綱常名教輒引春秋之事爲証及翁沒氏夫亦相繼逝世遺二子長名岱尤恪遵母教天

質孝友願得母心氏持家崇節儉必有餘資卽令其子以周
 惠親族嘉慶五年賑濟饑民前縣賜以名揚尙義之額後令
 其子倡守重修鬻官及呂祖廟刻丹桂籍功過格惜字律等
 書復令其集書數十卷爲子孫博覽計嘉慶十七年歲饑令
 其子施濟麪食次年又復捐賑前縣奉賜以誼敦任恤之額
 是年氏沒其長孫岸清身列膠庠氏已目及見之初岸清未
 就傅時卽能頌左氏春秋正其祖母教之也未幾
 其曾孫進又食廩餼咸謂氏之善教所致信矣

陳氏 揚純性妻二十五歲寡守節四十九年善
 讀列女傳尤解論孟恪守闈範謹凜冰霜

翟氏 申慶元妻三十七歲寡守節四
 十四年孝慈兼全鄉黨稱羨

王氏 連登第妻二十九歲寡守節五十六年夫家無隔宿春頰
 氏操作成家壽逾八旬未嘗少倦鄉黨周親咸奉爲母範

周氏 傅英妻十八歲于歸嘉慶五年
 氏年十九教匪滋事殉難死 無名氏二名 避難於蔡河
 寨寨破焚火

藥而死 知縣賞鐫作貞烈記云 余自壬戌歲蒞任卽允
 紳士等之請已於東關外將殉難人民建祠設祀矣並將同

時殉節婦女亦附祀於廟內後紳士等又將婦女之節烈最
 著者公呈事實乞文於余余因蒞任未久又經兵燹後諸官

清厘未遑姑緩時日以辭之今歲秋余卓薦入都交代未畢
公事稍暇卽爲文以應諸紳士之請紳士言傅周氏者性嫻
淑美姿容年十八適同邑傅英家隔二十餘里明年庚申夏
適母家祖母病兄有癩疾不能侍湯藥母朝夕奉侍又病不
能起遂喚歸侍祖母疾會賊匪突起鄉民四竄氏與母扶祖
母躑躅以行路至三官廟灣賊猝至時秋稼如雲鄉民多隱
匿其中氏等隨衆亦隱匿賊至前見稼苗動知有人舉於搬
視鄉民郡即首乞命氏怒曰寧死肯乞隣於賊耶乃以救裏
其首賊見之去其裏悅之擲取馬上氏披髮叫罵賊不絕氏
乃以手自毀其容賊怒以鎗刺其脇墮地氏大罵不絕賊大
怒連斃之斯時三官灣無噍類矣予曰賊至倉猝傷氏之進
類氏之罵奚由知紳士僉曰是田畔有大楊樹有賈王十者
見賊至樹上隱賊退賈逃歸向人緝述之予曰此事可而實
矣紳士等又言有無名氏婦二名聞賊驚避難於蔡河寨先
是鄉人製火藥甚夥以備不虞賊聞寨中有火藥四面圍定
攻寨急婦聞寨破大呼曰寨已破若令賊取火藥去非獨一
邑之人無遺四方亦受殃無窮矣首先舉火焚之火焰亘天
婦亦焚死予曰皆奇女子也然無名氏婦無由表彰因傅周
氏而並
及之

邢氏崔連 邱氏任肅 宋氏吏員任 張氏任書 趙氏任紀 趙氏任連

妻 劉氏馮春 葉氏鑽根 李氏何彭 王氏張保 王氏劉進 趙氏張林

妻 傅李氏 任周氏 李張氏 崔心姐崔九思 馮香姐馮春 何氏何

蓮 女 熊問姐熊擅 傅氏以上貞烈婦女二十氏嘉慶五年教匪滋

李氏監生耿司標妻襄城義士李進學女幼有志操嫻習壽史

愍者未嘗不為之解其大意也少長即隨事加以匡飭不使

外事吾不與知其行之於家吾所習熟者檢以自奉而厚於

澤遂彌以培行夫讀書之不僅為科目也家風定然兒謹誌

效氏蜜割股和藥以進姑飲之而瘥娣姒有知其事者時白

後氏隨夫課耕於寶邑 臺寺村屬教匪跳梁距村蜜遂呂 標同紳民辟險以禦民叅酌古法準之時勢潛為夫設訓頗

有捕獲賊悉怒堵而進當是時氏避於樓見義勇單窺折北不支賊負銳薄樓氏徐謂諸婦女同避者曰賊必甘心於吾儕不願但已自愛者願早作計猶有清白名吾請先之踴身隊滅而死俄而賊爲官軍滅家人收殮氏尸顏色如生時天尙異畧不腐臭人以爲烈士之微

李氏

庠生王永明妻年十六未合卺而夫故夫家貧勤改適氏亦胷痛哭以吾荷翁姑叅養歷有年所卯育之厚雖屬毛求離者無以過之因計口腹遂辜大恩無論義有不可者卽心亦難安有爲異議使速吾死耳諸父必欲遂其說氏乃截髮髻面以死自矢諸父見其守貞出於至誠不敢言而去當是時夫家無隔宿春氏力勤針黹以奉翁姑翁沒依依哀姑腹下頭白指皸毫無怨色咸以鐵石心腸未易測識云現年五十九歲守節四十四年

王氏

張瑞麟妻年十九歲守節三十五年侍奉翁姑一無怨言以未合卺爲礙婢成有讀書明大義者自處小戴禮所載牲吊當無不可其受直方哀炊也醴同氏記不得瑞麟已塋氏哭於墓拜見翁姑泣謂甚大曰兒受張姓幣已久翁姑無子孤守無依行路明之且知墮淚况有媒定之媳乎此吾家也誓不再適矣其父不忍奪其志氏遂留張姓寒窘無生計

氏早夜勤女紅以養翁姑餘年並取嗣塋塋畢乃從容謂媼戚曰吾事畢矣窺隙投環卒

李氏

馮盡忠妻二十五歲寡守節已三十三年姑遺子幼其窘急有牛衣所不能忍者氏以十指無育無缺鄉黨賢之

趙氏

申綱妻二十一歲寡守節已三十三年子自天氏日以義方告誠曰爾祖老矣當察顏而事吾雖處巾幗願爾以志

養不順爾以祿養也自天克成母志順孫之名嘖嘖閭里間

王氏

李建妻二十七歲寡守節已四十五年家貧翁衰奉養無缺繼子卒遺一子氏稱如愛護其孝慈兼臻如此

石氏

柴福妻二十八歲寡守節已五十八年家無儲蓄儲氏操井臼躬紡績以女紅爲翁姑謀日蠶晨潔夕馨所訴如也

翁姑以天年終氏相夫子使不遺憾於大事泊夫見背遺一子甫四齡氏茹荼持辛堅忍台力一無怨尤年逾八旬猶不肯少自暇逸恒曰吾聊以酬亡者於泉下云爾

葉氏

丁和妻二十七歲寡守節已三十四年姑嚴而厲少拂意則譴阿隨之氏能察顏順色曲得歡心姑遂憐之咸有孝

婦之稱嘉慶五年教匪滋事氏夫應募鄉勇爲賊所戕氏門之痛不欲生惟念繼嗣未立雖死猶有遺憾乃以再從姪爲

嗣宗桃賴以不
墜鄉黨敬之

楊氏

賈振坤妻二十八歲寡守節已
三十五年甘貧守志鄉黨稱賢

徐氏

丁堯妻十九歲寡守節已五十二年仰事俯育毫無倦怠至今子孫繁衍耕讀傳家一門稱雍睦焉

溫氏

袁福妻二十四歲寡守節已三十二年賢孝性成雖貧其志不志

王氏

范德嘉妻二十五歲寡守節已三十三年日夜無倦鄉里羨之

孫氏

范德忠妻十九歲寡守節已三十二年三代在堂克盡孝敬中順中所罕觀者

范氏

李心典妻二十六歲寡守節已四十二年日夜紡織不憚劬勞連得族姪爲子以延一綫

鄭氏

范時妻二十九歲寡守節已四十七年氏翁姑恩貢生常奉年邁氏敬事二十年無倦容鄉黨咸稱其賢

梁氏

徐文魁妻十八歲寡守節已三十五年家窶甚每飯恒不屬屢貧氏百計爲翁姑調飲食雖豐儉隨時而甘美適口夫

沒稱未亡人數十載從未見其齒笑惟見翁如則愉色可掬悲觸兩老人思子之念也其翁現逾七旬優游蔗境人曰非

氏賢孝烏
克臻此

張氏

程智妻二十五歲寡守節已五十二年于耀洛操行端謹上憲以充明道程子奉祀生氏賢孝苦節姻黨奉爲女師

李氏

張明妻二十五歲寡守節已四十七年夫沒有勸氏改適者氏曰吾去則堂上祖姑適姑庶姑奉侍之責其誰任乎

遂決志守節服勞無怨諸姑歿含殮卜兆盡哀盡禮繼嗣卒撫孤孫以苦度鄉里稱賢孝焉

杜氏

周兆文妻二十九歲寡守節已四十九年績桑麻議中饋孝道克盡始終如一

秦氏

丁潞妻二十三歲寡守節已五十六年翁姑多病氏勤針黹以易良藥夫弟與妻偕亡遺三子氏皆恩養成入鄉黨

賢之

任氏

王文元妻二十六歲寡守節已三十八年賢孝兼著

劉氏

李復西妻二十三歲寡守節已三十二年敬事翁姑二十餘年姑終無間

韓氏

李文星妻十九歲寡守節已四十年青年守志賢孝兼傳

李氏

韓復妻年二十四歲寡守節已三十八年事上撫下人生艱苦無不備嘗數十年絕無怨意

劉氏

王思明妻二十八歲寡守節已三十一年夫沒遺一子閏三月以痘珍志取胞姪爲己子教養成立茹荼持辛艱苦

備嘗

王氏

張繼勳妻十九歲寡守節已三十三年于歸十閏月夫卽棄世繼姑性厲少拂意忿徵詞色氏委曲將順卒怨無言

賈氏

趙于京妻二十九歲寡守節三十二年翁好客氏先事籌脩不時之需咄嗟而至母煩堂上內顧憂其賢孝類如此

顏氏

胡光斗妻二十一歲寡守節已三十三年勤儉治家三黨景慕

張氏

高鵬飛妻二十四歲寡守節已三十四年節孝雙著輿論翕然

田氏

高樂天妻二十四歲寡守節已四十九年氏出于農家而曉大義仰事俯百孝慈兼生人皆罕之

馬氏

吳桐妻二十七歲寡守節已三十九年竭盡心力以成其志

蘭氏

張傑妻二十一歲寡守節已五十年誓志守節艱苦備嘗

李氏

張念先妻十八歲寡守節已三十四年始得瘋癱症數年氏奉湯藥朝夕無倦如是孝婦而出於青年守志者實為

罕得焉

辛氏

姬邠妻二十八歲寡守節已六十四年孝事翁姑至老不倦年逾耄耄四世同堂人咸以為節孝之報云

蘭氏

張皖妻十九歲寡守節已四十年勵志冰霜毫無怨言

宋氏

李連德妻二十四歲寡守節已四十九年恪盡孝道內外無怨言

袁氏

周易妻二十八歲寡守節已七十一年侍奉翁姑一一盡禮現在壽及期頤惜芝子嗣兼無可以取繼者鄉黨盡為

腕惋

朱氏

韓丕基妻二十九歲寡守節已四十四年事翁姑色養兼至鄉里共稱其賢

何氏

王朴妻二十八歲寡守節已三十五年數十年勤勞如一日鄉黨羨之

趙氏

李恕妻二十六歲寡守節已三十五年氏家無升斗日不舉火氏勤紡績以撫遺孤姪成立以不墜現年八旬矣

原氏

黃金壘妻二十三歲寡守節已三十五年茶蘖自甘人皆以節孝目之

李氏

賈思恭妻十七歲寡守節已四十二年結褵僅一載守節數十年奉事孀姑毫無懈怠巾幗中所罕覲者

姬氏

焦庭訓妻二十六歲寡守節已三十八年家屢空氏怨十指供養翁姑祭言怡色絕無懈怠

張氏

張棟妻二十五歲守節年已五十七歲翁遭病子而邁癱瘓以盡孝道侍奉甘旨無少懈子峻德早入庠親在壽逾

八旬猶不以立遣所以報節孝云

王氏

宋端妻二十五歲寡守節已三十四年姑嚴肅盧氏能和顏怡色卒爲姑歡呼爲孝婦實人之所難能也

程氏

張枝妻十五歲寡守節已四十三年氏歸夫家結褵僅十七日遽分雁影青年守志荼苦自甘鄉黨無不敬羨

石氏

傅璵妻二十四歲寡守節已五十年善事翁姑賢孝兼著

呂氏

賈倫妻二十八歲寡守節已三十五年夫充鄉勇陣亡身又去世子尚幼有隣嫗誘其改適者氏厲聲曰吾夫沒於

王事已入義勇祠吾若失節何面目見夫於地下隣嫗羞慚而退鄉里有知其事者莫不嘖嘖稱羨焉

邱氏 劉霑妻二十七歲寡守節已五十七年奉親至孝訓子有方至今壽逾八旬子孫繁衍鄉黨羨之

楊氏 董朗妻二十八歲寡守節已四十年賢孝兼著

張氏 張得魁妻二十三歲寡守節已三十三年賢孝兼著

許氏 邢傑妻二十七歲寡守節已三十六年賢孝兼著

袁氏 龐通妻二十七歲寡守節已三十九年賢孝兼著

高氏 郭思章妻二十二歲寡守節已四十八年賢孝兼著

徐氏 陳九章妻二十七歲寡守節已四十年賢孝兼著

馬氏 王昭繼妻二十四歲寡守節已五十五年氏無子撫前房子如已出親黨無間言迄今子孫繁衍皆氏孀守之力云

劉氏 郭忠孝妻二十七歲寡守節已六十一年事上撫下胞侄艱辛迄今逾八旬猶不肯少逸鄉黨競奉為母型公

余氏 韓天若妻二十二歲寡守節已四十四年賢孝兼著

趙氏

湯翰元妻十七歲寡守節已三十二年無子取胞姪爲嗣青年守志恪凜冰霜鄉黨稱罕

孫氏

庠生張琢妻二十六歲寡守節已三十九年恪守閨壺名聞遐邇

胡氏

王振聲妻二十二歲寡守節已三十四年茹荼飲藥節操不渝

張氏

段丕貞妻二十六歲寡守節已三十三年善事翁姑孝婦之稱傳於閭里

胡氏

徐士坊妻二十二歲寡守節已三十二年翁逝遺五子胥幼氏爲製衣具履從無後時姑常喜曰微此婦吾何以樂

年餘

何氏

席嚴妻二十八歲寡守節已三十四年備嘗艱苦迄不自悔

張氏

楊訥妻二十歲寡守節已三十六年子幼而敏頗有文名不幸夭卒氏零丁孤苦嫺戚爲之欷歔

郝氏

何會同妻十九歲寡守節已三十二年勤儉治家艱苦備嘗

韓氏

柯殿普妻二十七歲寡守節已四十五年慈孝兼盡鄉黨稱揚

薛氏

李成美妻三十歲寡守節已四十一年緝繡夜月剪纓秋燈合鄉敬之

何氏

龐道一妻二十五歲寡守節已三十五年翁姑衰殘奉命維謹取彌月之胞姪信爲繼保抱提携不啻親生鄉黨賢

之

陳氏

張岌妻二十四歲寡守節已四十六年德言功貌無不盡善凡稱巾幗之賢

馬氏

高炳妻二十八歲寡守節已四十年夫故子天氏絕粒者數日繼而曰死無足惜何人爲祖宗繼血食遂取姪以子

祀 祠

毛氏

劉瑄妻二十五歲寡守節已三十八年姑病常在床褥氏侍湯藥衣不解帶者數年鄉里敬之

李氏

王榮妻二十三歲寡守節已四十九年氏天性純孝夫歿翁姑得適意于蔗境竟亡西河之痛今長孫西池已入庠

由氏畫荻之教而成

邢氏 胡氏 何氏

邢氏趙景奎妻子璿娶胡氏生子士賢娶何氏璿與其父景奎暨妻胡氏五十一歲前後逝世

當事賢沒同氏哀毀欲絕邢氏哭曰汝子尙幼予已六旬有五汝姑已痛夫而死汝再死予與汝子同爲溝壑矣言之血下何氏和睦可感奮起寒理家政事上撫下備極辛劬今柳氏已壽屆期頰子嗣昌茂霜姑孫媳三節一門鄉黨莫不稱羨邢氏二十五歲寡守節已七十四年胡氏二十一歲寡夫卒日餘大慟而亡何氏十九歲寡守節已三十四年

芮氏

丁維靜妻二十歲寡守節已三十八年婦兼子職節孝兼全

趙氏

嚴蘿妻二十八歲寡守節已三十六年賢孝兼著

李氏

張漢生妻二十二歲寡守節已四十九年賢者兼著

吳氏

靳士貞妻二十七歲寡守節已四十一年賢孝兼全

王氏

柳雲妻二十八歲寡守節已三十六年艱苦備嘗矢志不易

岑氏

陳械妻二十九歲寡守節已五十一年善事翁姑毫無懈意今壽及八旬子生子孫生孫四世一堂鄉黨莫不羨敬

張氏

捐職龐在文繼室二十七歲寡守節已三十三年

孫氏

王秉中妻二十七歲
寡守節已三十三年

陶氏

龐鉞妻二十七歲寡
守節四十有四年

賈氏

賀太平妻二十二歲寡守節已五十八年夫歿
翁姑子媳相繼而逝取遠族子爲嗣誠爲苦節

孫氏

李春成妻二十八歲寡守節已五十七年敬事翁姑孝聲
溢於閭里今壽逾八旬若子若孫皆老成醇謹悉賢孝之

所致也

王氏

趙宗周妻二十九歲寡守節已三十四年嘉慶五年夫充
鄉勇陣亡氏冰霜矢守夫婦全節直鄉愚中所罕觀者

張氏

竇永成妻二十八歲
寡守節已四十七年

尹氏

何泗妻二十五歲寡守節已四十一年舅姑繼夫旋踵而
逝氏子身獨處常懷兵刃以防強暴其守節自禦如此

張氏

傅繩妻二十六歲寡守節已五十九年數十年苦
節毫無怨言今壽逾八旬惜無子取胞姪爲嗣

高氏

段玉林妻二十三歲寡守節已
三十六年事姑極孝教子有方

李氏

李勝欲妻二十六歲寡守節已三十三年胞弟惟一惟勤惟儉鄉黨無間言

王氏

王桂妻二十三歲寡守節已三十七年

邢氏

杜玉成妻二十三歲寡守節已三十三年

汪氏

王正才妻二十六歲寡守節已三十三年

黃氏

杜時習妻二十歲寡守節已五十七年青年守志茶苦自甘隣戚交相嘆服

袁氏

蔣續妻二十九歲寡守節已七十四年侍奉翁姑始終如一取姪爲繼一如已出今年逾八旬猶操作如故可謂苦

節
云

胡氏

丁元弼妻二十歲寡守節已四十年繼姑適而多病跣步須人氏早晚扶持絕無懈意

張氏

練維妻十九歲寡守節已三十九年

陳氏

練珍妻二十五歲寡守節已四十年

張氏 徐建鵬妻二十五歲寡守節已三十九年氏善於治家夫沒藉氏針黹以奉翁姑迨生養死葬以及娶媳嫁女諸大

事畢尤能治薄田數十畝今年逾花甲迄可小康亦巾幗中之特著者

徐氏 樂可象妻二十五歲寡守節已三十九年家貧甚恒以紡織俱養殮老至不息

魏氏 賈漢嚴妻二十六歲寡守節已四十四年

張氏 段玉珍妻二十六歲寡守節已三十三年夫本繼子夫之本生母無依氏迎養甘旨之供十餘年無少懈鄉黨稱孝

婦焉

何氏 楊磐石妻十八歲寡守節已四十年

金氏 樊運南妻二十五歲寡守節已四十二年

周氏 王炳妻二十四歲寡守節已五十年

劉氏 王崑妻二十九歲寡守節已三十四年

王氏

張天祿妻二十七歲
寡守節已三十五年

賈氏

楊雙貴妻二十七歲寡守節已五十
四年青年守志茶苦自甘鄉里賢之

葉氏

徐體中繼妻二十七歲寡守節已五十六年氏撫前婦遺
孤如已出未幾卒取族孫爲嗣孫以延一綫今年逾八旬

家亦漸康

鄉黨佩之

魯氏

裴光南妻二十三歲
寡守節已四十四年

盧氏

孫懷義妻十七歲寡守節已四十二年氏青年喪夫矢
志冰霜母氏欲使易節氏毀容爲誓遂不敢奪其志

趙氏

傅有仁妻二十六歲寡守節已五十一年冰霜
恪守至老足不出戶笑不啟齒不服華色之衣

靳氏

陳維康妻二十三歲寡守節已五十八年氏事翁姑極孝
今壽屆八旬子孫繁衍孫元吉又英年入泮皆氏之力也

馬氏

何燦妻十八歲寡守節已六十一年氏于歸未一載而夫
歿欲以身殉慮翁姑無養遂以媳代子侍奉數十年不稍

渝無子取堂姪爲嗣今壽及八旬
孫曾林立亦青年守志之所報云

蘇氏

楊昭妻二十二歲寡守節已三十一年姑屬繼娶時有惡言氏全不爲意惟奉侍益謹而已其叔翁每語人曰此吾

家孝婦也
鄉黨敬之

余氏

張樹勳妻二十五歲寡守節已四十年

李氏

杜永泰妻二十四歲寡守節已三十九年

薛氏

郭思齊妻二十七歲寡守節已五十七年事親盡孝訓子有方

郭氏

楊天喜妻二十一歲寡守節已三十八年

曾氏

宋育桐妻二十一歲寡守節三十五年

龐氏

謝鴻業妻十九歲寡守節已三十七年青年守志閭里稱揚

鄭氏李氏馬氏

高景太永太從太親弟兄也不幸相繼逝世而所娶三氏皆賢孝無比水霜共潔金石同堅三

節出自一門鄉黨傳誦不已鄭屬景太妻二十五歲寡守節已五十年李屬永太妻二十六歲寡守節已三十四年馬屬

從太妻二十三歲寡
守節已三十六年

魏氏

高守義妻二十八歲寡守
節已四十三年賢孝兼著

顏氏

胡光斗妻二十六歲寡守節已
四十八年善事翁姑甘貧守志

張氏

顏恒太妻三十四歲
寡守節已三十九年

李氏

顏舒太妻二十三歲
寡守節已三十七年

谷氏

王和風妻二十一歲寡守節已四十五年氏有姿容嫻賦
中有勸其改醮者氏哭曰吾不以身殉徒以上有翁姑在

耳若棄翁姑不如殉
葬之爲愈又何嫁焉

翟氏

郭濟川妻二十七歲寡守節已三十四年氏撫遺孤曰在
孫惟汝在媳惟吾若得事姑終年吾無憾矣繼而姑歿盡

禮盡哀鄉

黨敬之

楊氏

王守財妻二十五歲
寡守節已四十二年

張氏 李珍妻十六歲寡守節已五十年結襦僅十日而夫故氏曰命該如此不敢過慟以傷親心十數載後始得胞姪爲

繼子鄉

黨敬之

溫氏 劉灝妻二十一歲寡守節已四十七年

郭氏 劉培德妻二十歲寡守節已四十八年

盛氏 王陵衢妻十七歲寡守節已三十三年氏于歸一載而夫亡翁姑邁夫弟幼氏青年守志克進孝道實巾幗中所罕

者觀

張氏 畢燦文妻十八歲寡守節已三十三年姑老而癯氏侍奉未嘗少倦青年守志節孝兼全實難能也

劉氏 竇永昌妻二十三歲寡守節已四十八年

衛氏 李道妻二十八歲寡守年節已四十九年

張氏 增生何敷壁妻二十七歲寡守節已三十三年氏本名門女事翁姑最孝當夫歿時翁姑已先逝氏孑身撫四齡幼

子無寸隴之田有畫荻之訓
今子已成立鄉黨共欽敬焉

趙氏

王肇修妻二十五歲寡守節已
四十五年水霜矢守勤謹無倦

何氏

陳宗江妻二十九歲
寡守節已五十一年

李氏

許爽魁妻十八歲寡守節已三十三年夫與翁姑相待適
氏哀痛欲絕繼念翁屬大宗不可絕遂取堂姪爲嗣以延

一綫

史氏

何殿擢妻二十五歲
寡守節已三十三年

王氏

韓璐妻二十二歲寡
守節已五十五年

李氏

王廷壘妻十八歲寡守節已三十五年氏青年
喪偶無子取姪一元爲嗣躬親撫養已入武庠

曹氏

監生盛方曙妻二十五
歲寡守節已四十二年

孫氏

李芸妻十七歲寡守節已三十三年氏于歸未及
一載而夫亡氏貧家女卒能甘貧守志鄉里賢之

王氏 楊春妻年二十六歲
寡守節已三十三年

劉氏 李長大妻二十六歲寡守節已三十八年
夫癡而無怨色夫死而無怨言鄉黨敬之

朱氏 李之晉妻二十七歲
寡守節已三十二年

董氏 李繁妻十九歲寡守節已三十二年氏于歸後不數月而
翁卒不數月而夫又卒矢志守節奉侍孀姑其達義如此

呂氏 劉文煥妻二十七歲
寡守節已四十五年

李氏 鄧國達妻二十六歲
寡守節已三十八年

胡氏 扈孝先妻二十九歲
寡守節已三十一年

于氏 焦元弼妻二十五歲寡守節已五十六年夫家甚窘夫歿
後惟籍氏之織紉以養孀姑姑歿拊搯喪具盡禮盡哀今

壽已八旬家業漸裕子務
農甚誠實誠苦節之報也

王氏 胡森妻二十八歲寡守節已三十三年姑歿而翁姑惟沃
盥等數事有非孀媳所能為者遂為翁娶繼姑俾以待奉

事繼姑尤盡孝道今長子甫爲邑名儒
次子尚爲邑諸生此苦節之所致也

趙氏

蔡續業妻二十八歲
寡守節已四十五年

李氏

馬雪妻二十歲寡
守節已三十年

張氏

程禎妻二十六歲寡
守節已三十四年

余氏

周鶴妻二十四歲寡
守節已四十五年

据案續纂四氏

尹從妮

邳邑尹長庚之長女也時年十九已字姬姓尙未于歸
其妹三妮紹字邑民傳和尚爲妻嘉慶五年教匪滋事

傳和尚避難他方及十一年六月歸尹長庚已將三始另適
張姓傳和尚之叔祖傳煥豐懷忿授將尹從妮搶歸與強傳

和尚爲婚尹從妮不從捐軀明志於八月一日夜自經隨案
旌表入祠尹從妮非邑民因在寶自盡已入節孝祠故列

楊麥妮

邑民楊恭曰女嘉慶十五年十月初六日晚女赴牛棚
飼驢被鄰棍宋冬出言調戲女羞忿莫遏卽於是夜損

軀撲井而死隨案

旌表入節孝祠

張程氏

張鎮妻時年二十有二嘉慶二十二年二月二十五日夜夫出未歸有鄰棍韓朋者卒入氏室欲強污之氏大

聲疾呼鄰婦四應朋懼而逃夫歸氏告之故且合赴訴里正繫朋究治夫應而出氏卽捐軀於五鼓時投環明志夫爲鳴

縣訛得其情執朋以

法隨案旌表入祠

劉儒妮

邑民劉炳女年二十一歲未字嘉慶二十三年九月初四日汲水於井被鄰棍張石滾語言調戲女守正不汚

捐軀明志於十二日夜

自經隨案旌表入祠

採訪續纂二百八十七氏

內已請旌者
氏餘未請旌

石朱氏

石忙之母
任例姐
生員任岐
生之女

朱葉氏朱陳氏

按道光十三年
採訪任家寨殉

難之任邱氏等二十氏已旌表入節孝祠矣茲復採訪得知縣賞鐫所作殉節碑記始知內有遺漏石朱氏等四氏特

爲補入其碑記云余旣允紳士之請爲傳周氏作貞烈矣紳士等又言任家寨婦女殉節者頗多復乞文於余余曰事

貴乎實亦籍文傳爾等試言之紳士僉曰縣東二十里有任家寨寨中有二樓俱爲任姓所建樓相去六七尺西面爲窻頗高峻若去其梯雖有千百人莫能上當賊匪滋擾時寨中婦女相約若賊至我等當避匿其中故先於樓中設石百餘車爲禦賊計後鄉兵四出剿賊未歸賊猝至婦女咸奔匿樓上賊四面圍定聲言曰從者免死任邱氏與其媳周氏首先罵曰我等皆土人妻也寧從賊邱氏者任肅之妻監生俊生之母也以石擊賊賊發鎗崔連太之妻邢氏中鎗墜樓死婦女咸舉石擊賊石下如雨賊不敢前未幾石盡賊見勢窮攻益急然樓高而堅急不能被時秋禾已成農人刈穀堆場上賊將穀盡移樓下聲言不從均焚死邱氏謂婦女曰我等寧焚死不從賊遂同婦女罵賊不休賊舉焚樓邱氏遂焚死同時被焚者有吏員任誥之妻宋氏任青生之妻張氏任紀之妻趙氏任連之妻趙氏朱葉氏朱陳氏石忙之母朱氏生員任岐生之女剛姐貢生崔九思之孫女心姐未幾鄉兵四至賊退而樓已爲灰燼矣余曰節烈固足嘉而一時婦女同心一德如是之多亦事之奇者也紳士又言裴庄馮春龍之妻劉氏罵賊不屈投井死其女香姐見母死罵賊不休被賊刺死雙溝庄鎖根之妻葉氏罵賊被賊刺死董家庄何彭之妻李氏馬家樓張保之妻王氏何家庄何夢蓮之女耐姐均罵

賊不屈投井死閭家庄劉進忠之妻王氏王家庄張林之妻趙氏尹王庄熊檀之女問姐均罵賊不屈自縊死余曰此事余蒞任後爲之詳者屢矣然終不見惟恐事久湮沒故凡紳士之請而爲任邱氏等立碑以表多節並以別庄之殉節馮劉氏等附之以待後之修史者採擇焉

賈氏

周永士妻十九歲寡訓子有方子培基早入庠守節五十八年卒

張氏

扈尙文妻于歸未三月而寡守節六十餘年壽終八十有四

任氏

張琢章妻于歸五月而寡守節四十餘年六十歲卒

謝氏

武生郭殿卿妻二十二歲寡守節三十三年卒子澄萬有文明

任氏

張桂德妻性篤孝而家甚窘姑病久不愈忽夜半呼肉氏卽割股以進姑食之愈康熙年知縣陳表其門

郜氏

徐家修妻乾隆六年生三十歲寡守節已三十六年

孫氏

康自福妻乾隆十四年生三十歲寡守節三十七年卒

蔡氏 王必茂妻乾隆十年生二十八歲寡守節四
十三年卒單門獨戶無繼可取鄉黨惜焉

趙氏 張桂馨妻二十歲寡守節五十
餘年乾隆年知縣胡表其門

趙氏 劉瑄妻十九歲寡孝事翁姑遐邇欽服無出取胞姪慎
行爲嗣教撫成立入邑庠守節六十年知縣陸表其門

王氏 高尚志妻二十三歲寡守節
五十五年知縣陸表其門

路氏 高超妻二十一歲寡守節
三十四年知縣陸表其門

王氏 趙六合妻十七歲于歸不數月而
夫亡事姑至孝暑知縣黎表其門

劉氏 胡淮妻十九歲寡守節六
十三年暑知縣黎表其門

陳氏 徐鴻妻康熙五十九年生乾隆三年氏年十九而夫歿無
子取始家修承嗣持躬淑慎節孝兼全乾隆四十五年請

旌建坊時已
守節四十三年

王氏 趙廷逸妻十七歲于歸越四月而夫亡
守節九年卒嘉慶六年前縣表其門

顏氏

李兆鰲妻十九歲寡守節六十五年
學憲王知縣賞兩表其門

陳氏

于敬妻十八歲寡守節三十三年
知縣賞表其門

李氏

趙滄洲妻于歸三日而夫亡無子
取胞姪爲嗣守節六十餘年卒年七十
有八署知縣黎表其門

張氏

彭瑤妻二十七歲寡守節四十二年
知縣賞表其門

王氏

牛汝楣妻二十四歲寡守節四十七年
知縣賞表其門

葉氏

周中妻二十歲寡守節十四年
知縣賞表其門

邱氏

劉霽妻二十八歲寡守節三十四歲
知縣賞表其門

呵氏

李法志妻三十歲寡守節四十四年
知縣賞表其門

李氏

喬棟妻嘉慶十一年二月姑陸氏病
忽思肉氏猝無所辨遂割肘肉調羹
以奉姑食之病卽愈知縣賞表其門

沈氏

李元震妻二十三歲寡守節四十年
知縣賞表其門

胡氏

龔倫妻二十六歲寡守節四十四年知縣崔表其門

牛氏

陳立妻二十二歲寡苦守節二十九年卒知縣李表其門

劉氏

孫有德妻二十七歲寡守節三十三年卒知縣張表其門

王氏

武生趙舊章妻二十七歲寡守節三十九年卒知縣李表其門

陸氏

賈班如妻二十一歲寡痛夫情切因將喪葬擇維諸大事完畢間詐病臥床絕粒而死

牛氏

李德潤妻二十六歲寡奉侍翁姑數十年無倦色閭里稱賢

蔡氏

程寅妻家貧甚姑病思肉不得氏割股以進姑病尋愈

程氏

劉璋妻二十歲寡取胞姪爲嗣苦節四十五年

張氏

劉慎典妻二十歲寡取堂姪爲嗣苦節三十年

趙氏

張自誠妻十七歲于歸越十載而夫亡善事翁姑克盡婦道守節三十一年卒

王氏 吏員趙潔繼妻二十八歲寡事翁克孝撫前妻子
女殆如已出守節三十六載卒鄉黨咸稱其賢

徐氏 李大山妻乾隆四十五年于歸起
五載而夫亡守節四十五年卒

路氏 范棚妻二十六歲寡夫歿哀毀骨立然上事
下育未嘗少懈守節數年畢竟痛夫而死

張氏 陶履堂妾適陶十九年而傳邑拔貢李于潢爲掇節孝序
云 余幼讀篠園先祖集惻憻中有道德能文章者首推

吾邑陶魚若先生及少長侍養家居同儕學者又群服陶君
履堂者負若先生文孫而余姑丈諱于膺之猶子也娶於周

周固魯山著族文從之盛方古王謝獨於履堂稱坦腹焉余
叨居葭莩之末與履堂誼屬邢譚然以下上後先之際未及

款接而履堂遽歿每嘉令讌會僚婿中有道及者輒爲泫然
則知履堂之學行敦篤其足以感人爲至深且久也今年夏

內弟周君冠多過余曰子旣心儀先姑丈履堂之爲人而亦
知其適室張夫人苦節琦行復卓然有何傳者乎子而不文

也則已子固儼然以文自命者也聲於我耳而有聞焉其可
也余敬聆始末不敢溢不敢濫謹按夫人姓張氏汝州高家

營人年十九歸履堂氏俗女子剪采繡紡文繡之事醢醢
堂一間亦不能閑不工左其嫡周侍威姑疾麥便攜持歲餘

不懈姑每謂人曰兩婦如此吾目瞑矣履堂素豪邁不事家人生產恒歲入不敵所出然祭祀必肅被服必潔朋友交際必豐必備閨門之內雍雝和睦古樂府所詠中婦流黃殆不遑是以故人稱履堂內助之賢而尤贊張夫人之克襄厥事云詎意天降閔凶缺離環絕越十七年而其孀周先亡更二年而履堂亦卽棄世惻惻孤身痛不顧軀特以夫嗣未立不忽然殉身丁事卷施有心雖死猶生其能明大義煩如此也嗚呼丁男不育菽欲盡而先歆子舍猶虛蘿空牽而乘主以負若先生之道德文章其足以福庇後人克昌厥後者爲無窮今雖英彥續起而履堂無子余之姑丈亦一傳弗繼以履堂之學行敦篤其孀周之賢明逮下其足以長養子孫爲可信而若敖之鬼有餒而之憂卽以夫人之苦節琦行裕爲內美固且早立之基而必使其鬱律盤錯顛沛流離至於此極彼蒼報施之理然乎否耶然自吾思之理窮者歸之於數數極者尤必徵之以理今夫人嚴慎持家無廢不舉量其歲之所入起師課諸陶子弟俾如有成立將擇其尤者爲履堂後余姑丈者可知矣督誦不爲少輟又嫁其甥如禮甥固其嫡周取以爲己子者歲時往還非特人不知其非陶氏子卽甥亦幾志其爲某氏子也則謂張夫人爲有母道焉其可也則謂履堂爲至今不死而負若先生之遺澤常流亦無不可也

而余之姑尤
更有厚幸焉

扈氏

適朱姓于歸四載而
寡守節四十四年

焦氏

適朱姓十七歲于歸夫歿敬事
舅姑教養遺子若節四十七年

薛氏

適金姓十六歲于歸未三載而寡翁姑歿遺兩夫弟俱幼
氏撫養成立各授家室氏無子取姪爲嗣苦節四十八年

王氏

丁恒太妻十九歲寡親老子幼家又貧氏勤紡
織上事下育未嘗少懈守節五十年鄉黨賢之

劉氏

李夢蕙妻于歸三載而寡事翁姑最孝無子
取襁褓胞姪爲嗣教養成立守節三十年

楊氏

陳磊妻二十歲寡守節五
十三年壽終七十有二

趙氏

王慎修妻十八歲于歸閨八
載而寡守節三十七年卒

曹氏

蘭重法妻三十七歲寡守節
四十八年壽終八十有四

李氏

胡定妻二十五歲寡必同松栢操比冰霜學
憲邵表其門時年七有十二守節已四十八年

胡氏

練文行妻二十四歲寡上撫下育勤儉持家
學憲吳表其門時年八秩守節五十七年

張氏

傅煥斗妻二十四歲寡孝由天性節凜水霜
學憲周表其門時年五十有六守節已三十三年

袁氏

程文明妻姑嘗有病百藥不痊忽夜間急欲食肉氏猝備
不及遂割左臂肉烹而進之姑食畢病尋愈
學憲姚表

其門

鄭氏

監生陶金池妻二十七歲寡侍親能孝教子克端
學憲史表其門時年六十有一守節三十五年

謝氏

劉士魁妻二十五歲寡茹荼飲藥矢志靡堅
學憲盧表其門時年五十有六守節已三十二年

岳氏

阮大才妻十八歲于歸越三月而夫亡青年守志白首
完貞
學憲朱表其門時年八旬有八守節已七十年

張氏

謝償妻二十九歲寡貞操矢守婦道無虧
學憲趙表其門時年七十有七守節已四十九年

陶氏

劉成器妻二十歲寡遺子甫期月氏
教養成立以延宗祀苦節三十四年

張氏

尹曰成妻二十六歲寡遺子謹期月氏上事下
撫備極辛劬守節四十九年卒督學史表其門

郭氏

潘棟繼妻二十五歲寡事翁姑克盡孝道撫前子殆如已出守節四十餘年

趙氏

劉殿魁妻二十七歲寡事孀姑頗得歡心苦節三十六年

褚氏

宋廷新妻二十七歲寡無子取堂姪爲嗣諸孫各就資質使之耕讀長孫六言已入庠人謂氏有敬姜之風

王氏

褚文章妻章有痼疾及于歸章已病篤未幾夫卒氏矢志終守代夫孝侍雙親翁姑賢之以猶子爲嗣苦節四十年

張氏

王克敏妻早孀無子家甚窘氏處之晏如嘗語人曰生爲王氏婦死爲王氏鬼

秦氏

奚懋德妻夫早卒貧無立錐爲子娶李氏舉一孫未幾子又卒氏與孀媳同守堅貞厥後氏瞽其媳侍之益謹此苦

節之所

報云

朱氏

楊和聲妻歲歉夫出死於他鄉氏勵節撫子子療死更撫姪愛如已出人不知其爲猶子也

孫氏

陳輯登妻而無子輯在卽子兄子女弟女輯卒勵志冰霜姑病本善無懈每夜必禱於神姑病尋起咸謂至誠所感

張氏

孫盛業妻二十一歲寡取堂姪勃爲嗣氏親操井臼經營家計至老不倦壽終七十七歲守節五十七年知縣陸表

其門

石氏

王林妻二十五歲寡事翁姑以孝撫幼子以慈守節五十五年卒知縣陸表其門

楊氏

王治德妻二十一歲寡矢志冰霜守節四十三年知縣賞表其門

張氏

牟生馬慶榮妻二十一歲寡事上撫下並無懈意守節三十九年知縣賞表其門

趙氏

王風召妻二十七歲寡守節三十五年卒

趙氏

尹思慎妻二十五歲寡以姪璋爲嗣守節四十餘年

楊氏

袁九江妻二十八歲寡守節三十一年

段氏高氏

段氏高永安妻二十七歲寡遺子二孤弱無依氏苦守撫養成立爲娶妻室生孫四森森五立器識不凡

論者以爲苦節之所致氏女高氏適同里馮有亦早寡貧無子姑邁終年臥病段勵其女曰人生一夢耳不如留名後世爲佳女如教孝侍姑冰霜恪守鄉里嘖嘖稱賢段守節五十八年高守節四十年夫母以柏舟自矢而更能勗其女所謂

善人不匱永賜爾
類者殆有以夫

張氏

孫有功妻二十歲
寡守節三十年

趙氏

劉祥妻子歸八載而夫亡取姪士元
爲嗣守節四十四年督學王表其門

杜氏

監生連竹妻二十八歲寡上事下育守節
五十餘年壽終八十三歲知縣陸表其門

張氏

連三省妻二十一歲寡守
節三十年知縣賞表其門

謝氏

溫士魁之母二十三
歲寡守節三十年

尹氏

何三元之母二十二歲寡守
節五十五年儒學李表其門

龐氏

馬鴻鵬妻二十六歲
寡守節三十二年

杜氏

馬鴻志妻十九歲
寡守節三十四年

馬氏

段思和妻二十二歲寡姑邁兼有寒疾遇冬即發氏奉養
數年不效因聞人言孝能格天遂割股以療疾姑病果愈

知縣陸聞其事當表其門守節六十四歲壽終八十五歲

段氏 鄭來儀妻二十歲寡守節三十二年儒學李表其門

楊氏 鄭日璟妻二十三歲寡孝事翁姑取姪桐爲嗣教養兼至守節五十年知縣賞表其門

王氏 謝佑妻二十三歲寡守節二十九年

郭氏 謝俸妻二十六歲寡守節四十年

李氏 謝廷相妻二十三歲寡守節三十九年

陳氏 張彩妻十九歲寡守節三十二年

范氏 張端妻二十四歲寡姑邁子幼家又貧姑常患眼疾氏紡績以待湯藥終年不息子希孟希良皆忠厚誠實此賢淑

之所報也守節三十五年卒邑紳李遠表其門

楊氏 郭全妻善事翁姑勤謹持家夫歿遺子二長耀南次召南均入庠氏守節五十餘年鄉黨莫不敬義焉

張氏 郭賓妻事翁姑至孝守節五十餘年

趙氏 楊紹妻姑有夙疾不能行動惟賴氏以扶持氏竭盡心力勞而不怨守節三十餘年

李氏 張貴德妻二十三歲寡孝事孀姑三十餘年如一日繼姪爲嗣守節五十一歲壽終七十有三

段氏 趙潤朗妻二十六歲寡子映璇映權守節五十四年八十歲卒督學曹表其門

姚氏 張自敏妻二十三歲寡守節三十一年

車氏 郭琳繼室二十五歲夫歿子標甫一週氏甘旨奉親栢菝教子守節五十四年知縣賞表其門

馬氏 牛雲川妻二十八歲寡孝事翁姑廷姪幼失怙恃氏鞠育如子守節三十二年卒

孫氏 陳化遠妻十八歲寡氏于歸僅一載而夫亡絕無變志事翁姑無怠容及翁姑歿盡禮盡哀守節二十四年卒

何氏 宋璠生妻夫故遺孤育樟甫二歲氏紡績苦守四十餘年督學吳表其門

徐氏 李貴妻二十七歲寡子甫五齡家甚窘舅姑又邁氏恃紡績以供養殮未幾舅姑及子相繼而逝氏焚瓦子立矢志

靡他守節五十三
年壽終七十九歲

楊氏

張殿卿妻二十三歲寡子謙僅二齡舅姑未幾相繼亡家長欲奪其志固氏不可遂與分居氏無依倚遂歸母家矢

志冰霜不渝初志守節四
十三年壽終六十有五

牛氏

楊公垂妻二十九歲寡守節四十
三年壽終七十三歲子起緒起亭

謝氏

張元祥妻二十八歲寡上
無下育守節三十七年卒

王氏

樊紹先妻二十五歲寡取胞姪爲嗣家貧甚氏操井臼
勤紡織事親無倦容教子有義方守節四十一年卒

尹氏

余尚寬妻二十三歲寡敬翁姑和妯娌取姪
監生洛濱爲嗣守節三十年卒鄉里稱賢

張氏

朱熔妻年二十六歲寡翁姑因其年少無子微以改嫁之
言試之氏怫然曰男子以品行爲重婦人以資節爲貴若

以勸嫁甘以身殉翁姑窺其眞倍加愛之未幾翁姑歿氏盡
禮盡哀時有夫之伯父母相繼逝世遺子始然尙在髫齡氏

爲撫育授室二十歲列國學鄉黨咸稱氏爲
女中丈夫守節三十七年壽終六十有二

劉氏

徐象山妻二十七歲寡守節三十四年承繼子佩

吳氏

劉化寅妻二十九歲寡守節五十二年子劉注

劉氏

李貴妻二十四歲寡上事翁姑下撫弱媳守節三十三年卒

錢氏

王雲妻二十三歲寡守節永霜孝慈兼全守節三十六年卒

陳氏

王文煥妻二十一歲寡守節二十五年卒知縣李表其門

李氏

張法孔妻十八歲寡家貧姑老氏紡織奉姑撫姪爲嗣守節五十年卒

翟氏

宦東鈞妻子歸五載而寡守節已四十七年

孫氏梁氏

孫氏步昭妻乾隆十八年于歸越八載而夫歿撫孤子十義成立爲娶媳生二孫媳亡續娶梁氏僅二十

七日而十義又亡梁效其始矢志終守撫前妻子如已出一門雙節閭里稱賢孫守節五十五年壽終八十有一梁守節

已三十二年現年四十有六

陳氏 監生馬振長子騰蛟妻十八歲于歸踰月失所天事翁姑孝撫夫之幼弟及從子思誼周室嗣子貢生天有守節已

五十七年知縣賞表其門

王氏

李茂德妻二十六歲寡守節已四十五年知縣李表其門

牛氏

趙廷臣妻三十歲寡守節已四十四年知縣李表其門

張氏

楚成妻二十七歲寡守節已五十二年知縣李表其門

孫氏

韓忠妻二十五歲寡守節已四十年善事翁姑兼長家政夫歿十餘年始得胞姪爲嗣今宗祀不墜衣食饒裕皆氏

守節之功云道光十七年詳請旌表

李氏

王作人妻二十四歲寡守節已五十一年

步氏

楊鷄妻二十八歲寡取夫兄廩生楊鵬子如旃爲嗣教養成立名列黌官守節已三十七年

徐氏

張燦妻十九歲寡遺子及週而殤氏矢志靡他事繼姑曲承親志以胞姪爲子劬勞逾于所生守節已三十六年

張氏

何士俊妻十七歲于歸越二載而夫亡守節已三十六年

李氏

韓國炳妻二十二歲寡有饒田數畝氏晝耕夜績撫三幼子成立今家業漸饒而勤儉又昨守節已四十七年

余氏

丁同寅妻二十一歲寡翁姑衰邁氏妻婦兼子職孝養無虧守節已三十九年

康氏

趙影升妻恩貢趙鳴九之媳十八歲寡守節已三十五年氏事姑最孝撫遺孤成立人稱有孟母之風而兼栢舟之

云操

余氏

陳守財妻夫歿遺孤僅三齡氏茹荼餘蘗五十餘年現年七十三歲鄉宦前任江西督糧道李遠表其門

高氏

適張姓閱十載而寡守節已三十餘年現年五十七歲

曹氏

適梁姓二十一歲寡守節已三十五年現年五十六歲

張氏

周守貴妻十八歲于歸五載而寡守節已三十九年現年六十有二

孫氏

王慎修子永安妻二十三歲寡守節已四十一年現年六十有三

胡氏

監生彭芳春妻二十八歲寡侍姑教子備極辛劬守節三十八年現年六十有五

張氏

武生姚清杰妻二十八歲寡子十齡而夭氏痛子喪明守節已三十年

賈氏

李壁妻三十歲寡言笑不苟紡績惟勤年六十有一歲守節已三十二年

楊氏

婁臣妻十九歲寡家貧而姑又多病氏勤紡績侍湯藥未嘗廢襁褓胞侄爲嗣撫養成立守節已三十七年

王氏

周祥妻二十三歲寡翁姑邁氏能善承親意奉養無缺教子嚴治家肅實巾幗中不能多得者守節已三十七年

鄭氏

周秉端妻二十歲寡家無斗筲而事翁姑必竭其力守節已四十三年

關氏

劉發妻二十六歲寡遺子甫三齡氏上事翁姑下撫幼子勤儉成家現年八旬有三守節已五十八年

關氏

馬據德妻二十三歲寡上事下育備極艱辛守節已四十二年知縣賞表其門

韓氏

羅氏 韓氏王銓妻二十七歲寡有子四家無斗筲紡績過度守節已四十七年現年七十三歲長子道海娶羅

氏于歸甫一載而道海亡時氏二十一歲守節已三十年現年五十歲一門雙節閭里稱賢

惠氏 李風卜妻二十四歲寡上事下育
守節已六十六年現年八十九歲

葛氏 張寅妻十九歲寡取姪長
庚爲嗣現年五十二歲

紀氏 閔大才妻十九歲寡遺孤甫四十日氏苦守
教子成立守節已五十三年現年七十一歲

張氏 王朝象妻二十歲寡取姪爲嗣
守節已四十年現年五十九歲

樊氏 馬文妻十七歲寡孝翁姑和妯娌夫家同費幾五百指每
入厨必身先之頒棉分絮必讓多取少凡晚輩一切針黹
皆出氏手曰吾厚待彼將來吾老彼亦厚待吾也以故家
道雍雍然取姪爲嗣現年五十二歲守節已三十六年

楊氏 賈林妻二十七歲寡
守節已三十一年

阮氏 培訓妻二十七歲寡守節已三十
八年曾獨修石橋一座以濟行人

李氏 監生牛月川之母二十八
歲寡守節已四十九年

朱氏 張自厚妻二十三歲寡取姪桃爲嗣
撫養愈於所生守節已三十五年

牛氏

張炤妻十八歲夫歿遺子春芳僅數月氏上事翁姑下撫孤子辛苦備嘗守節已三十年

李氏

吳撫謙妻十八歲寡取胞姪來儀爲嗣守節已五十二年

梁氏

葛文秀妻二十九歲寡取胞姪瑞承嗣守節已四十一年現年六十六歲

趙氏孫氏

楊朝玉朝士胞弟兄也趙屬朝玉妻二十歲寡孫屬朝士妻二十一歲寡二氏均無出互相砥礪共矢冰

霜卒使翁姑終其天年兩門各有繼祀一門雙節實難能焉趙氏守節三十餘年云亡孫氏守節已五十四年現年七十

四歲知縣

秦表其門

程氏

齊琳妻二十歲寡事姑晨夕弗懈無子撫姪步雲爲嗣守節已四十年

柴氏

李耀妻二十四歲寡姑邁子幼家又貧氏躬織紡而爲姑謀甘蠶使姑見媳媳見子也未幾姑歿禮葬後撫孤苦度

現年七十三歲守

節已五十年矣

張氏

阮朝妻檢討張崇業之女二十三歲寡遺子僅二週氏矢志撫孤守節已三十餘年存

胡氏 靳聖簡妻二十三歲寡氏母家饒裕而夫家貧寒聖簡歿翁姑恐其不能耐凍餒欲遣歸母家氏曰媳歸寧未嘗不

可但因一已之口腹而置翁姑於不顧恐狗彘不若矣遂勤紡織事奉終年鄰人爲賦孝婦詩曰莫道廬家婦請看靳氏

媳養生與送死兒在不能及現年五十八歲守節已三十六年無子取姪爲嗣

毛氏 郝鍾妻三十歲寡事翁姑撫弱子荼蘼自甘孝慈畢至現年七十二歲守節已四十一年

范氏 秦紫慶妻副榜范華之女三十二歲寡守節已三十五年知縣李表其門

王氏 吳明善妻二十一歲寡取胞姪瑤爲嗣瑤又歿遺二子氏撫孀媳弱孫苦度守節已四十一年

以上貞烈節孝婦女共六百八十一氏舊志二百三十六氏

續入四百四十五氏